

GOMPIENO LOKWALO

LE LO DIRAGADITSWE

 Nnang fela lo eme motsotso, fa lo ratile, fa re santse re oba ditlhogo tsa rona ka ntlha ya thapelo.

² Rara wa Legodimo yo o rategang, re lebogela ena bosigong jono, tshono e nngwe go tla le go bega Efangedi ena e e galalelang, e e gakgamatsang ya ga Jesu Keresete. Re a Go leboga ka gore Ena o santse a tswelela a tshwana maabane, gompieno, le ka bosaeng kae. Re Go lebogela batho bana ba ba phuthegileng fano mo nakong ya maemo ana a bosa a a tsididi, mme ba santse ba na le ditebelo-pele tse dikgolo, ba sololetse, ba dumela gore sengwe se se lemosegang re ile go se neelwa go tswa go Modimo. Re tla ka tsholofelo eo, Morena, mo bokopanong bongwe le bongwe. Re Go lebogela ditirelo, bosigong jwa maloba, kwa motlaaganeng; re Go lebogela tirelo fano maabane maitseboa, le ka ntlha ya tirelo gompieno, kwa motlaaganeng. Rona jaanong re sololetse se O tlaa re se nayang bosigong jono.

³ Rara, re a itse gore mongwe le mongwe yo o kgonang go tsamaisa diatla tsa gagwe a ka kgonia go bulela matlhare a Baebele kwa morago, fela go na le a le Mongwe fela Yo a ka E tshedisang mme a e dire boammaaruri, mme ke Wena. Mme, Rara, re sololetse mo go Wena go dira seo bosigong jono. Re segofatse ka tsela nngwe le nngwe. Dipelo tsa rona di tletse thata ka boipelo jaaka re bona nako e atamela e re ileng go rakana le Ena, ka sebele, Ena yo re mo ratileng ra ba ra mo tshelela dingwaga tsotlhe tseno.

⁴ Basokologi ba le bantsi ba baša, Morena, ba bonwe. Re tlhaloganya gore segopa se segolo, masome a le manê kgotsa masome a le mathlano, ba tshwanetswe go kolobetswa ka Leina la Gago, mo mosong, go tswa kwa tirelong maabane bosigo. Ao Modimo, tsweetswee tswelela, re a rapela, go fitlhela Peo nngwe le nngwe ya Modimo e e tlhomamiseditsweng pele e bone Lesedi la Efangedi, mme e tlide ka mo lesakeng la dinku.

⁵ Re Go kopa gore o re fitlhe bosigong jono fa morago ga Lefoko; re foufaletse dilo tsa lefatshe, mme mpe rona re bone Jesu. Mma go nne maitemogelo a Thaba ya Phetogo fa gare ga rona, bosigong jono, gore re se bone motho ope fa e se Jesu fela. Re go lopa ka Leina la Gagwe, le ka ntlha ya kgalalelo ya Gagwe le thurifatso ya Efangedi ya Gagwe. Amen.

Lo ka nna lwa dula.

⁶ Ke ile fela go faposa sekapamantswe sena, kgotsa tafole ena, fela gannyé ka go sekama, fa go siame, gore ke kgone go bona

matlhakore a le mabedi a bareetsi. Ke a fopholetsa nka dira dikapamantswe tsena fa tikologong fano di siame. Go siame, motsotsso fela.

⁷ Re a dumedisa, go tswa fa ntlolehalahaleng le le golo fano bosigong jono, ditsala tsa rona mo Arizona, California, Texas, le go kgabaganya United States, ka tsela ya founu. Ena, e e ya setshabeng ka bophara, tirelo ena bosigong jono, ka tsela ya founu, jalo he re tshepa gore Modimo o tlaa re segofatsa.

⁸ A lo kgona go utlwa, morago ka kwa ntloleha—ntlolehalahaleng ka fa molemeng? Go siame, ba ile go tlhatlhoba tiro ya difouno jaanong, go bona fa e dira sentle.

⁹ Mongwe le mongwe o itumetse bosigong jono? [Phuthego ya re, “Amen.”—Mor.] E reng, go siame! Mo letlhakoreng leno? [“Amen.”] Amen. Ke itumetse thata go bona gore lotlhe lo dutse ka phuthologo.

¹⁰ Mme jaanong bosigo jwa kamoso, fa masomo a tswelela a oketsegaa, go tlaa bo gape go na le megalaa ka tlhamallo. E gone bosigong jono. Ke akanya gore mengwe ya tsone e golo kwa motlaaganeng.

¹¹ Mme, ka moso phakela, ditirelo di ka se ka tsa tshwarelwaa kwa motlaaganeng, ka gore morek... go tlaa bo go na le morekisa dithunya foo a kgabisa kereke ka ntlha ya lenyalo la tshogologo ya ka moso. Mme ba fuduseditse diti—ditirelo, mo mosong, go ya kwa kerekeng ya ga Mokaulengwe Ruddell, mongwe wa badirisanyi, le golo kwa tseleng—tseleng ya mheru fano, 62. A go ne ga itsisiwa? [Mokaulengwe Neville a re, “Ee.”—Mor.] Go ne ga itsisiwa. Mme, fa go penologa golo foo, re tlaa tsaya ba ba setseng mme re romele modiredi yo mongwe golo kwa go ya ga Mokaulengwe Junior Jackson, golo ko Clarksville. Lebaka le rona re nnileng le yone kwa go ya ga Mokaulengwe Ruddell, ke gore e gaufi le fano, mme re a kgona... mme re akantse gore lo tlaa bona moo go le motlhofo go feta. Mme foo re tlaa lebagana le gone ka tsela nngwe. Mme lo tlhomamiseng go tsisa mo teng dikolobetso tsotlhe tseo tsa kamoso, mme ke solofela gore go tlaa nna le ba le lekgolo kgotsa a le mabedi ba ba tlaa okediwang mo go bao ba kolobetso kamoso. Mme jaanong bosigo jwa kamoso...

¹² Nna le ka motlha ope ga ke rate go itsise se o buang ka ga sone fa pele ga nakoo, fela bosigo bo le bongwe mo tirelong, kgotsa letsatsi lengwe, ke batla go bua ka serutwa sa: *Melegisetek Yona Ke Mang?* Ka gore, ke seru—ke serutwa se ke akanyang gore re tshela mo nakong e ditshenolo tsena, tse e leng gore go nnile le potso go fologa go ralala paka, tsa gore, “Mogoma yona ke Mang?” Mme ke dumela gore Modimo o na le karabo, Yo a neng a le Ene. Bangwe ba ne ba re, “boperesiti,” bangwe ba ne ba re, “kgosi,” bangwe... Fela go tshwanetse...

¹³ Fa fela go na le potso, go tshwanetse go nne le karabo ya potso eo, e e nepileng. Go ka seka ga nna le potso kwa ntle ga ga gore go nne le karabo pele.

¹⁴ Jaanong, re tshepa gore Modimo o tlaa re naya tshegofatso bosigong jono go tswa mo Lefokong la Gagwe, jaaka re Le bala.

¹⁵ Mme lo nnile le... Billy ne a mpolelela gore lona ka tlhomamo lo nnile le tirisanyo mmogo e e siameng thata le batho fano ba ba neng ba le mo go emisiwang dikoloi gone, mapodisi le sengwe le sengwe. Tswelelang ka tiro e e siameng; moo go molemo thata, thata.

¹⁶ Re solo fela go bona nako, gongwe mo nakong e e gaufi, motlhang gongwe re ka kgonang go tsisa tante fano ka mo motsemogolo mme re e beye golo fano ka mo lebaleng go tshameka kgwele, kwa re ka nnang nako nngwe e telele, gongwe dibeke di le tharo kgotsa di le nnê, tsosoloso, ka methha yotlhe. Mme fano rona re kgona fela ka boutsana go itsane, mme re tloge re tshwanele go re tsamaya sentle re bo re tsamaya gape. Fela nna ke tlaa rata go tla mme ke nne le loeto le le lelefaditsweng, nako nngwe kwa lo ka kgonang go nna gore re se tshwanele go tswala mo bosigong kgotsa a mabedi, re nne fela mme re rute, motshegare le bosigo, motshegare le bosigo, go tswelela le go tswelela. Gongwe mongwe a ye gae a bo a fepa dikoko, a game dikgomo, mme a boe beke e e latelang a bo a tswelela ka tirelo. Ke—ke rata seo. Jalo he Morena a nne le lone.

¹⁷ Jaanong, pele ga ke tsamaya, gongwe mosong wa Letsatsi la Tshipi kgotsa bosigo jwa Letsatsi la Tshipi, kgotsa nako nngwe, kwa nngwe ya ditirelo tsena, ke a itse lotlhe letetse go o utlwia Molaetsa wa Nneta ka ga *Nyalo Le Thalo*, mo e leng nngwe ya mathata a matona a motlha o. Mme nna ke tlhomamisitse jaaka ke eme fano, ke dumela gore karabo e e nepagetseng e mo Lefokong la Modimo, mme ke dumela gore moo ke se ke solo feditseg go se boela.

¹⁸ Mme ke a gopola, jaaka ke itse, go ya ka fa ke itseng ka gone, ke batla go nna le tirelo e nngwe fano mo Jeffersonville, ka Sontaga sa Paseka, mme re tlaa... e nne tirelo ya tlhabo ya letsatsi, mme go tloge go nne Sontaga sa Paseka. Jalo he re tlaa itsise kwa pele ga nako mme re leke gongwe go bona ntlolehahala, fa go kgonega, kgotsa gongwe, re direla Letsatsi la Tshipi, gongwe re tle Lamathatso le Letsatsi la Tshipi. Tshwanetse ke fofele mo teng le go tswa ka sefofane, ka gore go gaufi le nako... ke tshwanetse ke go tlhotlhomise, pele, ka thulaganyo ya nako e ke nang le yone, mme nngwe mo la me—la me—lenaneong la me la loeto ke kwa California. Mme ka ntlha eo, ka bonako morago ga foo, ke tshwanetse ke ye golo teng kwa—kwa Aforika. Jalo he tswelelang le golaganye mme lo re rapeleleng.

¹⁹ Jaanong, bosigong jono, ke batla go biletsha kelo tlhoko ya lone kwa bontlheng bongwe jwa Lefoko la Modimo, jo bo fitlhelwang mo kgaolong ya bo 4 ya ga Moitshepi Luka. Kgaolo ya bo 4 le temana ya bo 16, e tlaa simolola, Jesu a bua.

...Gompieno Lefoko *lena le diragaditswe mo ditsebeng tsa lone.*

²⁰ Jaanong re batla go ntsha, go tsxa mo go Eo, phetso ya ka foo Lefoko la Modimo le leng matlhagatlhaga ka gone! Jaanong, rotlhe re kgona go tlhotlhomisa didiriswi, fela go tsaya Thata ya didiriswi go Go dira go dire.

²¹ Re kgona go tlhotlhomisa se didiriswi tsa motšhine, tsa koloi di leng sone, fela foo go tsaya thata ya didiriswi go dira maotwana a simolola go dira le go tsamaya.

²² Jaanong, Jesu ne a boetse kwa—kwa Nasaretha, kwa A neng a godisitswe gone. Go tswelela go ya tlase fa Dikwalong fano, re fitlhela se ba se buieleng, “Re utlwile gore O ne wa dira *jaana-le-jaana* golo kwa Kaperenaume. Jaanong mpe re bone O go dira mo lefatsheng le e Leng la Gaeno.”

²³ Jesu ne a re, “Mopo—moporofeti ga a tlhoke tlota kwa ntle le fa e le kwa lefatsheng le e leng la gaboo.” Mme, gone ke boammaaruri, foo ke kwa o neng wa golela gone, le kwa batho ba go itseng. Mme foo O ne a na le lei—lei—leina le le maswe, le kwa tshimologong, ka Ene a ne a tssetswe kwa ntle ga rrê wa fa lefatsheng. Ba ne ba Mmitsa “leselwane,” gore Marea o ne tota a le moimana pele ga a nyala, Josefa, semmuso. Fela, moo ga go jalo, re a itse ga go jalo.

²⁴ Mme mo Lokwalong lo, se se ntirileng ke latlhele matlho a me mo go ena, e ne e le sengwe se se diragetseng fela bosheng ko Phoenix, Arizona. E ne e le letsatsi la bofelo, la tirelo le ke neng ke tshwanetse go bua kwa Bokopanong jwa Ditšhabatšhaba jwa Borrakgwebo ba Efangedi e e Tletseng.

²⁵ Mme mo bokopanong jona go ne go na le moeti le rona, yo neng e le mobishopo wa Mokhatholike, yo e leng—e leng wa “kereke ya Chaldean Rites of the Apostolic Catholic; Moruti Mogolo Johane S. Stanley, O.S.D.” Ena ke “mobishopo mogolo wa toropo kgolo ya United States,” mo kerekeng ya Khatholike. Sena ne ga diragale gore e nne karata ya gagwe le aterese ya gagwe—ya gagwe.

²⁶ Mme o ne a le moeti wa Bontate ba Kgwebo ba Bakeresete, mme ke ne ke mmone foo, letsatsi pele. Mme fa ke ne ke bua bosigo jwa Lamatlhatso, ke a dumela e ne e le jone, kgotsa mosong wa Lamatlhatso kwa sefitholong, mme ke...Jaaka ke ne ke bua, o ne a tswelela a ntebile. Ke ne ka akanya, “Monna yole go tlhomame ga a dumalene le sengwe le sengwe se ke se buang.” Mme, lo a itse, o ne o kgona—o ne o kgona fela go mmona; o ne a tle a tshole tlhogo ya gagwe e le kwa tlase le kwa godimo, fela ke ne ke sa itse fela totatota se se neng se mo naya tlalelo.

²⁷ Jalo he ka tshokologo ya Sontaga, fa ke ne ke emeleta go bua, ke ne ke ile go tsaya temana ya me ka *Metlotsedi*, kwa Jesu a buileng, gore, “Jaaka mosadi a belega ngwana,” ena o ikutlwā botlhoko mo pelegong. Mme jalo he ke ne ke ile go bua go tloga foo, e le, *Metlotsedi*, serutwa, ke bua gore lefatshe le mo metlotseding jaanong. Tsa bogologolo di tshwanetswe di latlhiwe, gore tse diša di kgone go tsalwa; fela jaaka pe—peo e tshwanetse go bola, gore e ntshe botshelo jo boša.

²⁸ Mme ka foo ditlhabi, metlotsedi e iteileng lefatshe ka teng! Ko Ntweng ya Ntlha ya Lefatshe, le ne le na le sethabi se se makatsang, ka gore ba ne ba na le gase ya tšhefi, le jalo jalo, e go batlileng e ne e ka senyaka lefatshe. Mme ko Ntweng ya Bobedi ya Lefatshe, e ne ya nna le se sengwe, setlhabi se se bokete go gaisa; ba ne ba na le dibomo tse di thunyang ka bogale thata, gape le bomo ya athomiki. Lone le ka se kgone go itshokela motlotsedi o mongwe. Ka dikonopa tsena le dilo gompieno, ntwa e le nngwe e nngwe e tlaa le latlhela kwa ntle ko lefaufaung, gonne le tlaa belega jaanong. Mme go tlaa nna le lefatshe le leša. Baebele ne ya re le tlaa nna gone.

²⁹ Fa tlase ga Molaetsa wa moporofeti mongwe le mongwe, Iseraele ne ya nna le motlotsedi, ka gore baporofeti bana ba ne ba tla mo tiragalong morago ga baithuti ba bodumedi le ditumelo le baruti ba ne ba se na go dira gore kereke gotlhelele e nne mo popegong ya selekgotla. Mme erile baporofeti bao ba ne ba tla mo tiragalong ka MORENA O BUA JAANA, ba ne ba tshikinya dikereke tseo, mme e ne ya nna le motlotsedi. Kwa bofelong, e ne ya nna le metlotsedi go tswelela totatota go fitlhela e tsala Morwa Efangedi, yo e neng e le Lefoko ka Sebele le dirilwe nama.

³⁰ Jalo kereke ka nneta e mo metlotseding bosigong jono, gape, ka ntlha ya go tsala Morwa, Morwa Modimo yo o tshwanetseng go tla gape. Botlhe baithuti ba rona ba bodumedi le ditumelo, ditsamaiso tsotlhе tsa rona, makoko otlhе a rona, a bôletse gone fa tlase ga rona. Jalo he re mo motlotseding, mme Molaetsa go tswa kwa go Modimo ka gale le gale o latlhela kereke mo setlhabinet se se bokete bogolo, fela morago ga lobakanyana yone e ile go tsala Monyadiwa. Moo go tlaa tlisa kwano Jesu Keresete mo Monyadwing wa Gagwe.

³¹ Mme, ka nako eo, ke neng ke akanya gore monna yona ne a sa dumalane le nna thata jalo. Fa ke ne ke tlhatloga go bua Molaetsa ona, ke ne ka bula mo Baebeleng ya me, go batla letlhare.

³² Mme mosadi wa me ne a fetsa go nnaya Baebele e ntšha, a mphela Keresemose. Baebele ya me e kgologolo e bogolo bo ka nna dingwaga di le lesome le botlhano, mme selo se se ne fela se le gaufi le go kgagoga go nna ditokitoki. Matlhare, nako nngwe fa ke ne ke e bula, a ne a fofela kwa ntle ga yone. Mme, fela ke ne ke itse fela kwa nka fitlhelang Lokwalo lengwe le lengwe, jalo he ke ne ke kgona go keleka ka tlhoafalo mo Baebeleng eo. Mme ke ne

fela ka tsaya e ntšha, ka gore e nngwe e ne e lebega e le makgasa thata, go ya kerekeng ka yone.

³³ Mme fa ke simolola go bula ko go Moitshepi Johane, kwa Lokwalo lo neng le bonwa gone, ke ne ka simolola go bala kgaolo ya bo 16, mme temana e ke neng ke e batla e ne e seyo foo. Jalo he ke ne ka akanya, “Ga go a tlwaelesega!” Ke ne ka bula kwa morago gape; e ne e santse e seyo foo.

³⁴ Mme Mokaulengwe Jack Moore, go tswa Shreveport, Louisiana, tsala ya me ya khupamarama, o ne a dutse foo. Ke ne ka re, “Mokaulengwe Jack, a eo ga e fitlhelwe mo go Moitshepi Johane 16?”

O ne a re, “Ee.”

³⁵ Mme moperesiti yona wa Mokhatholike ne a tlhatloga a tswa mo sedulong sa gagwe, go tswa mo go neng go batlile go le baruti ba le lekgolo ba dutse fa seraleng; a tsamaela ka kwa gaufi le nna, ka tsotlhe dipurapura le diaparo le difapaano tsa gagwe, le jalo jalo, a bo a tla gone golo fa gaufi le nna. Mme o ne a re, “Morwaake, diga dibete. Modimo o gaufi le go diragatsa sengwe.”

Ke ne ka akanya, “Mobishopo wa Mokhatholike a mpolelela seo?”

O ne a re, “E bale go tswa mo Bukeng ya me.”

³⁶ Mme ke ne ka bala Lokwalo go tswa mo Bukeng ya gagwe, ka bo ke tsaya temana ya me mme ka tswelela pele, ka rera theroy a me.

³⁷ Morago ga foo, fa ke sena go fetsa, o ne a tlhatloga morago ga ke sena go tsamaya, mme ne a re, “Go na le selo se le sengwe se se tshwanetseng go diragala. Morago ga seo, kereke e tshwanetse e tswe mo tlhakatlhanong e leng mo go yone, kgotsa re tshwanetse re tsweng mo tlhakatlhanong e kereke e leng mo go yone.” Jalo he, e le nngwe kgotsa e nngwe.

³⁸ Mme ke ne ke le mo tseleng ya me go ya gae, go boela kwa tlase kwa Tucson, maitseboeng ao. Bana ba ne ba llela borothopate, mme ke ne ka ema go reka borothopate kwa felong le lennye fa marekisetsong. Mme mosadi wa me ne a re, “Bill, nna le ka motlha ope ga ke ise ke nne yo o mafafa jaana mo botshelong jotlhe jwa me, go go bona o eme foo o fopholetsfa fa gare ga Baebele eo.” Ne a re, “A go ne go sa go dire mafafa?”

³⁹ Ke ne ka re, “Nnyaya.” Ke ne ka re, “Ke ne ke itse gore e ne e le teng foo golo gongwe. Ba ne fela ba sena letlhare le mo teng. Ke kgatiso e e phoso.”

⁴⁰ Mme o ne a re, “Go akanya, gore ke nna ke go reketseng Baebele eo! Ne go lebega ekete leitho lengwe le lengwe teng foo le ne le gone mo go nna.”

⁴¹ Mme ke ne ka re, “Sentle, o ne o ka se kgone go rarabolola seo. Moo e ne e le kgatiso e e phoso mo Baebeleng.” Ke ne ka re, “Bone fela ga ba ise ba tsenye tsebe mo teng.”

⁴² Sentle, ke ne ka ya kong mme ka e tlhatlhoba gape, e ne fela e itekanetse jaaka e ka kgona go nna ka gone; fela kgaolo ya bo 16 e feleta, bontlhabongwe, bontlhabongwe jwa yone bo le go ka nna fela diintšhi di le tharo go tswa kwa botlaseng, ka kwa ko kgaolong ya bo 17 ka ko letlhakoreng le lengwe, go selo se se tshwanang. Mme, e neng e le Baebele e ntšha, matlhare a mabedi ao a ne a ngaparelane gotlhelele ga mmogo, mme ke ne ke bala go tswa mo kgaolong ya bo 17 mo boemong jwa ya bo 16. “Sentle,” ke ne ka re, “gotthe moo go siame thata. Ke ka ntlha ya lebaka lengwe.”

⁴³ Mme fela go le motlhofo jaaka o kgona go utlwa lenseswe lepe, Lentswe le ne la tla kwa go nna, la bo le re, “O ne a tsena ka mo Nasaretha, kwa A neng a godisetswa gone; mme a tsena ka mo sinagogeng, jaaka e ne e le tlwaelo ya Gagwe. Mme moperesiti ne a Mo naya Dikwalo go bala, mme ne A bala Isaia 61. Mme erile A sena go bala Dikwalo, O ne a dula fatshe; a busetsa Baebele kwa go moperesiti, Buka, a bo a dula fatshe. Mme matlho otlhe a phuthego a ne a le mo go Ene. Mme Mafoko a a botlhokwa a ne a tswa mo molomong wa Gagwe. Mme O ne a re, ‘Gompieno Lokwalo le lo diragaditswe.’”

“Gompieno Lokwalo le lo diragaditswe.”

⁴⁴ Ka foo Lokwalo lo tsepameng ka gone! Fa lo tlaa lemoga sena mo go Isaia 61:1 go ya go 2, ke kwa Morena wa rona a neng a bala go tswa gone, Isaia 61:1 go ya go 2. Fela mo gare ga temana ya bo 2 ya ga Isaia 61, O ne a ema. Kwa e reng, “Mowa wa Morena o mo go Nna; go rera ngwaga o o lebosegang,” fong O ne a ema. Goreng? Karolo e nngwe, go tlisa katlholo, e ne e sa ame go tla ga Gagwe ga ntlha, fa e se go Tla ga Gagwe ga bobedi. Lo a bona, go ne go sa ame le moo. Ka fa Dikwalo le ka motlha ope di sa direng phoso! Tsone di tlhola di sena phoso. Jesu ne a ema fela kwa Lokwalo lo emisitseng gone, ka gore moo e ne e le totatota se se neng se tshwanetswe go netefadiwa mo motlheng wa Gagwe, jaanong, mo go tleng moo ga ntlha. Go Tleng ga bobedi Ena o tlaa tlisa katlholo mo lefatsheng; fela eseng foo. O ne A “tshwanetse go rera ngwaga o o lebosegang.”

⁴⁵ Elang tlhoko Mesia a eme mo seraleng, go Ikamanya le Lefoko la tsholofetsa ya paka. Ka fa go makatsang, Mesia a eme golo fa pele ga kereke! Mme lebang Mafoko a a rategang ano, fa A bua fano, “Go rera ngwaga o o lebosegang.”

⁴⁶ “Ngwaga o o lebosegang,” jaaka rotlhe re itse, re le babadi ba Baebele, e ne e le “ngwaga wa tuduetso.” Gore, fa makgoba le bagolegwai botlh, jaaka ba ne ba ntse, ba ne ba isitswe, kgolegelong; mme ba ne ba tshwanetse go ntsha morwa, go duela sekoloto; kgotsa morwadi, go duela sekoloto, [Fa go

sa theipiwang teng fa theiping—Mor.] mme ba ne ba le mo bokgobeng. Go sa kgathalesege gore ke lebaka le le kae le ba nnileng ba le mo bokgobeng, kgotsa ke lebaka le le kae le ba neng ba tshwanetse go le nna foo; motlhang ngwaga o gorogang, wa tuduetso, mogang lonaka le utlwlang, motho mongwe le mongwe o ne a gololesega fa a ne a batla go gololesega. [Fa go sa theipiwang teng fa theiping.] O ne o gololesegile. O ne a sa tlhole o le lekgoba.

⁴⁷ Fela fa o ne a eletsa go sala o le lekgoba, foo o ne o tshwanela go isiwa kwa tempeleng, o eme fa paleng ya tempele, mme ba tseye lemao ba bo ba phunya phattha mo tsebeng ya gago, mme ka ntsha eo o ne o tshwanetse go direla mong wa makgoba malatsi a a setseng a gago.

⁴⁸ A sekai se se siameng thata sa Efangedi ya ga Jesu Keresete! Fa E reriwa, nako e e lebosegang, mme e le nako ya Tuduetso; mongwe le mongwe, go sa kgathalesege yo o leng ene, mmala o o leng one, lekoko le o leng leloko la lone, ka foo go leng kgakala ka teng wena o obegetseng ka mo boleong, kgotsa ke eng se se phoso ka wena; o kgona go gololesega fa o utlwa lonaka lwa Efangedi le utlwala. O gololesegile!

⁴⁹ Fela fa wena o retolosetsa mokwatla wa gago mo Molaetseng mme o gana go O utlwa, ela tlhoko, o ne o phunngwa mo tsebeng, ka lemao. Moo go a tlhalosa, go raya, gore wena o tlotse mola magareng ga lethhogonolo le katlholo, mme ga o kitla o utlwa Efangedi gape. Ga o kitla o ya pejana gope. O tshwanetse o nne lekgoba la tsamaiso e wena o leng mo go yone, malatsi otlhe a gago, fa o gana go utlwa ngwaga o o lebosegang.

⁵⁰ Jaanong, karolo e nngwe ya gone, jaaka ke buile, e ne e sa tlhoke go arabiwa, ka gore Mesia yona yo o tlang, nako nngwe jaanong, ke fa A tlaa tlisang katlholo.

⁵¹ Jaanong, batho bao ba ne ba kgona jang go retelelwa ke go bona Yo a neng a le Ena? Ba ne ba go se go thalaganye jang? Go ne go kgonega jang, fa go ne go itsisitswe ebile go supegeditswe motlhofo thata jaana? Ba ne ba kgona jang le ka nako epe go palelwa ke go go bona? Fa Ena . . .

⁵² A Lefoko! Akanya ka ga gone, “Gompieno Lokwalo le lo diragaditswe fa pele ga matlho lona.” Ke mang yo o neng a go bua? Modimo ka Sebele, Yo o leng mophutholodi wa Lefoko le e Leng la Gagwe. “Gompieno Lokwalo le lo diragaditswe.” Mesia, ka Sebele, a eme fa pele ga jwa phuthego mme a bala Lefoko go tswa mo Baebeleng, le le amang Ene, mme foo a bua gore, “Gompieno Lokwalo le lo diragaditswe,” mme ba ne ba tswelela ba palelwa ke go Le bona.

⁵³ A matlhotlhapel a seo se tlaa nnang sone, fela se ne sa diragala. Go diragetse makgetlo a le mantsi. Go ka diragala jang? Gone ke boammaaruri, jaaka go diragetse ka dinako tse dingwe, ka go dumela phuthololo ya motho ya Lefoko. Moo ke se se go

bakileng. Badumedi bao mo metlheng eo, ba go neng go twe ke badumedi, ba ne ba tsaya phuthololo ya se moperesiti a neng a se buile ka ga Lokwalo. Ke gone ka moo Jesu, a neng a se leloko la ape a maemo a bone kgotsa mekgatlho ya bone, O ne a kgaolwa mo setlhopheng sa bone.

⁵⁴ Mme, ka moo, ba ne ba sa kgone go Mo amanya le bone, ka gore O ne a fapaane le bone. Sebelebele sa ga Jesu Keresete se ne se le sone fela sa mofuta wa sone thata gore ga go ope yo o tshwanetseng a tlhaloganya gore yoo e ne e le Morwa Modimo, ka gore O ne a le tshupo e e itekanetseng thata thata ya Lokwalo le lo neng lo kwadilwe ka ga Ena.

⁵⁵ Moo ke tsela e Mokeresete mongwe le mongwe a itsiweng ka gone, fa botshelo jwa gagwe bo supa tsone dilo tse Mokeresete a tshwanetseng go di dira.

⁵⁶ Ka foo A neng a ka kgona go ema foo a bo a re, “Gompieno Lokwalo le lo diragetse gone mo matlhong a lona!” Ka fa go lemosegang ka gone, ka foo go tlhaloganyegang motlhofo, mme le fa go le jalo batho bao ba ne ba se go tlhaloganye ka go nepagala. Gobaneng? Ke ka gore ba ne ba tsaya phuthololo ya mophatho wa baperesiti ba ba neng ba ba reetsa.

⁵⁷ Mme ditso di tlhola di ipoeletsa. Mme Lokwalo lo na le bokao jwa dikarolo tse pedi mo go Lone, le tshenolo e e gabedi.

⁵⁸ Sekai, jaaka go bolela mo Baebeleng, gore, “Go tswa kwa Egepeto ke ne ka bitsa morwaake,” go bua ka ga Jesu. Lebelela fa mokwalong wa fa thoko ga letlhare ka ga seo, mme o fitlhela gore, go ne gape go bua ka ga Jakobo, Lokwalo le lo tshwanang. Jesu ne e le Morwa wa Gagwe yo mogolwane. Jakobo ne e le morwa wa Gagwe yo neng a Mmitsa go tswa kwa Egepeto, se e leng se motswedie wa Scofield le metswedi yotlhe e mengwe e o se nayang, ka gore moo ke se Lokwalo lo neng lo umaka ka ga gone. Jalo he go ne go na le kara—karabo e e gabedi; e ne e na le karabo ya ga Jakobo a ne a biletswa ntle, le fa Jesu a ne a biletswa ntle.

⁵⁹ Mme go jalo gompieno! Ke ka gore rona re fa phuduego e e kana kana jaaka re le ka gone, mme batho ba retelelwae ke go bona Nnete ya Modimo, ke ka gore go na le diphuthololo di le dintsi ntsi tse di dirilweng ke batho tsa Lefoko la Modimo. Modimo ga a tlhoke gore ope a mo phuthololele Lefoko la Gagwe. Ena ke mophuthololi o e Leng wa Gagwe.

⁶⁰ Modimo ne a re, kwa tshimologong, “A go nne lesedi,” mme lesedi ne la nna teng. Moo ga go tlhoke phuthulolo.

⁶¹ O ne a re, “Kgarebane e tlaa ithwala,” mme o ne a dira. Moo ga go tlhoke phuthulolo epe.

⁶² Erile... Phuthololo ya Modimo ya Lefoko la Gagwe ke fa A tshegetsa ebile a Le netefatsa go bo lo le jalo. Eo ke phuthulolo ya Gagwe, ka go go dira go diragale. Moo ke kwa phuthulolo

ya Modimo e leng gone, ke fa A dira gore Lefoko la Gagwe le diragale. O a lo Le phuthulolela.

⁶³ Jaaka fa go ne go ise go nne le lesedi, mme Ene a re, “A lesedi le nne teng,” mme le ne la nna teng, moo ga go tlhoke gore ope a phuthulole.

⁶⁴ Fela re bona ditsamaiso tse dirilweng ke motho di tswakantswe mo go Lone, mme, fa lo dira, lona—lona lo Le ntsha mo moleng. Go tlhotse go ntse ka tsela eo.

⁶⁵ Fela ke santsane ke akanya ka foo go neng go ne go makatsa ka teng. Akanya ka ga gone, Mesia! Gobaneng ba ne ba palelwa ke go Mmona? Ka gore, baeteledipele ba bone tota ba ba neng ba tshwanetse go ka bo ba Mo itsile, ba ba tshwanetseng ba ka bo ba ne ba ithutile mo Dikwalong, ba ba tshwanetseng ba ka bo ba ne ba tlhaloganya Dikwalo, ba ne ba nyenyefatsa Monna yona mme ba re, “Ena ke leselwane, go tloga—go tloga tshimologong. Re ne ra se dumele Seo.”

⁶⁶ Dingwaga morago, ga re dumele seo. Re tlaa swela maikaelelo a go bua gore O ne a le Morwa yo o tsetsweng ke kgarebane.

⁶⁷ Mme go tlaa diragala letsatsi lengwe gore, tsone dilo tse re bonang Jehofa a di dira gompieno, batho mo dipakeng tse di tla tlang, fa di le gone, ba tlaa swela selo se re buang ka ga sone gompieno. Lo tlaa tshwanela go go dira motlha o lotshwao lwa sebatana lo tlang, mme lone lo sa lettlelwe go rera Efangedi ka tsela ena. Motlhang kopano e kgolo ena ya dikereke e tlang ga mmogo, e e leng mo tiragatsong jaanong ka ntlha ya kereke ya lefatshe, lo tlaa tshwanela go kanelela bopaki jwa lone ka botshelo jo e leng jwa lone, mo go Sena.

⁶⁸ Lo tshwanetse lo E dumeleng jaanong. Fa baperesiti bao ba ne ba ka kgona go tsoga, ba ba neng ba Mo kgala, ba ne ba sa tle go Mo kgala. “Fela,” lwa re, “fa nka bo ke ne ke le foo, ke ne ke tlaa bo ke dirile *jaana-le-jaana*.” Sentle, eo e ne e se paka ya gago. Sentle, ena ke paka ya gago, ena ke nako.

O a re, “Sentle, fa Ena a ne a le fano!”

⁶⁹ Baebele ne ya re, “O tshwana maabane, gompieno, le ka bosaeng kae,” yo o tshwanang, jalo he Ena o fano. Fela, Ena o. Jaaka lefatshe le sokologile, la fetoga go nna la maemo go feta, ebile le rutegile go feta; Ena o fano ka popego ya Mowa, e ba ka se kgoneng go e bolaya kgotsa ba e bolaye. O sule gangwe; A ka se kgone go swa gape. O ne a tshwanela go dirwa nama gore Modimo a tle a bolawe mo nameng, ka ntlha ya boleo. Fela nako ena Ena le ka motlha ope o ne a ka se kgone go swa; Ke Mowa o o Boitshepo.

⁷⁰ Jaanong, ka foo o ka akanyang gore ba ne ba na le dilo tseo kgatlhanong le Ena! Selo se sengwe, gore Ena o ne a sa rate go ipatganya le ape a maemo a bone. Foo, lo a bona,

moo go ne go santse go Mo dira motho yo o maswe. O ne a sa rate go ipataganya le a bone—makgotla a bone, ne a sa rate go ipataganya le boperesiti jwa bone, mme O ne a sa rate go amana le jone ka sepe. Mme fong, mo godimo ga seo, O ne a leka go thugakaka se ba neng ba se agile.

⁷¹ O ne a tsena ka mo tempeleng. Re Mmitsa Monna yo o pelonolo; O ne a ntse jalo, fela makgetlo a le mantsi ga re tlhaloganye ka go nepa se bopelonolo bo leng sone.

⁷² O ne a le Monna wa bopelotlhomogi, fela le fa go le jalo nako e nngwe re palelwa go tlhaloganye se bopelotlhomogi bo leng sone. Eseng maatlwelobothoko a setho, ao ga se bopelotlhomogi. Fela, *bopelotlhomogi* ke “go dira thato ya Modimo.”

⁷³ O ne a feta go ralala lekadiba la—Bethesda, kgoro e. Go ne go robetse batho, masomo a bona. Masomo ga se palo e e tlhomameng. Fela go ne go robetse masomo; ditlhotsi, difofu, bagolafadi, ba ba suleng dirwe. Mme O ne a na le pelotlhomogi mo bathong, ka nako yothe. Mme O ne a ya kwa mothong a le mongwe yo o neng a se setlhotsi, a sa foufala, a sa golafala, le e seng go omelela dirwe; gongwe a ne a na le bothata jwa poroseteite, gongwe a ne a na le bokoanyana jo neng a nyaafetse. O ne a nnile le gone ka dingwaga di le masome a le mararo le boferabobedi. Bo ne go sa tle go mo tshwenya, bo sa tle go mmolaya. O ne a robetse mo moalong. Mme O ne a re, “A o tlaa rata go fodisiwa?”

⁷⁴ Mme monna ne a re, “Ga ke na ope go ntseya ka mo metsing, fela fa nna ke santse ke tla, sentle, mongwe o gatela gone kwa pele ga me.” Lo a bona, o ne a kgona go tsamaya, o ne a kgona go bona, o ne a kgona go tsamaya tsamaya, fela o ne a le bokoa.

⁷⁵ Mme Jesu ne a mo raya a re, “Tlhatloga. Tsaya bolao jwa gago mme o ya kwa ntlong ya gago.” Mme Jesu ne a botsolotswa ka ga seo, gonne lo a gakologelwa Lokwalo lo buile se.

⁷⁶ Ga e kgane! Fa A ne a ka tla mo Jeffersonyville bosigong jono mme a dire tiro e e jalo, ba ne ba santse ba tlaa bua ka ga Ena.

⁷⁷ Fela, gakologelwang, O ne a tletse go dira selo se le sengwe, se e neng e le thato ya Modimo. Jaanong, moo go fithelwa mo go Moitshepi Johane 5:19, lo tlaa fitlhela karabo. O ne a re, “Ammaaruri, ammaaruri, Ke lo raya ke re, Morwa ga a kgone go dira sepe ka Boene; fa e sese A bonang Rara a se dira, seo Morwa o a se dira.”

⁷⁸ Jaanong, ba tshwanetse ba ka bo ba itsile gore yoo e ne e le yone thurifatso ya seporofeto sa ga Moshe, “Gonne Morena Modimo wa lona o tla lo tsosetsa Moporofeti yo o tshwanang le nna.”

⁷⁹ A lo ne lwa lemoga, erile A ne a bona monna yo, O ne a re . . . Jesu ne a itse gore o ne a le dingwaga tse dintsi mo seemong seo. Lo a bona, ka a ne a le Moporofeti, O ne a bone yoo mo seemong

seo; mme a ga golo koo a bo a ebeeaga—ebeeaga A feta fa gare ga batho bao, a gapeletsa go feta fa gare ga lesomo, go fitlhela A bona monna yo o rileng yoo.

⁸⁰ Ne a feta gaufi le ditlhotsi, bagolafadi, difofu, le ba ba omeletseng dirwe, le fa a ne a le Motho yo neng a na le bopelothhomogi. Fela, *bopelothhomogi* ke “go dira thato ya Modimo.”

⁸¹ Jaanong, re Mo fitlhela, jaaka A ne a sa rate go ipataganya le bone, O ne a sa rate go dirisana sepe mo maemong a bona, ka ntsha eo O ne a nna molatlhma. O ne a sa rate sepe . . .

⁸² Ntleng ga seo, O ne a tsena ka fa tempeleng letsatsi lengwe. Monna ne a tsena teng foo a bo a fitlhela ntlo ya Modimo e batlile fela e kgotlelegile jaaka gompieno. Ba ne ba reka, ba rekisa, ba anaya madi. Mme O ne a menola ditafole tsa bone; a tsaya dikgole mme a di loga, a bo a itaya baananyi ba madi a ba ntshetsa kwa ntle ga tempele. Mme a ba leba ka tshakgalo, a bo a re, “Go kwadilwe,” haleluya, “Ntlo ya ga Rara ke ntlo ya thapelo; mme lo e dirile serubi sa magodu. Mme lona, ka dingwao tsa lona, lo dirile ditaelo tsa Modimo dirafalele lefela.”

⁸³ Ao, a segopa se se jalo se kile sa kgona go Mo dumela? Nnyaya, rra. Ba ne ba bidikamisitswe thata ka mo lerageng la mekgathlo le leswe la motlha, go fitlhela ba ne a gatseditswe thata ke tse di amanang le kereke go fitlhela ba sa kgone go utlwa dithoromo tsa Thata ya Modimo Mothatiotlh. Ga e kgane mosadi yo monnye a ne a kgona go ama seaparo sa Gagwe mme a fodisiwa ke Gone; mme lesole le neng le tagilwe le ne la kgona go kgwela mo sefatlhiegong sa Gagwe mme la se utlwe nonofo! Go laolwa ke ka fa o Go atamelang ka gone. Go ikaega ka se o se batlang. Fa o ya kerekeng, go ikaega ka se o se sololetseng.

⁸⁴ Jaanong re Mmona a eme foo. Ga go pelaelo fela se batho ba neng ba setse ba mo tlhagaisitse, tlhagisitse . . . moperesiti ne a setse a tlhagisitse batho, “Jaanong O tla kwano Sabata se se tlang, mme, fa A dira, lo sekla lwa Mo reetsa. Jaanong, lo ka nna lwa ya lwa nna fa, fela lo se ele tlhoko se A se buang, ka gore Ena ga se leloko la setlhophsa sa rona. Ena ke selatlhiwa. Ga a na karata ya kabalano. Ga a na le e leng lekgo- . . . pampiri ya lekgotla mo go ena. Ga a na sepe se se jalo.”

“Ena ke Eng?”

⁸⁵ “Mosimane mongwe wa motsuolodi yo neng a tsalwa golo mono, tsalo e e kwa ntle ga lenyalo, ke lelwapa la mmetli, yo mma mongwe a Mo ithweleng pele ga ba ne ba nyalana, mme ba leka go fitlha selo se ka sengwe sa bofetatlholego.

⁸⁶ “Re a itse gore, motlhlang Mesia a tlang, O tlaa fologa ka differwana tsa Legodimo mme a ye kwa moperesiting o mogolo wa rona a bo a re, ‘Ke nna Yona, Khaifase.’” Fela re ne ra itse gore ga A go dira ka tsela eo, ka gore go ne go sa kwadiwa mo

Lefokong ka tsela eo. E ne e le ngwao e e dirileng ke motho e e bakileng gore ba dumele seo.

⁸⁷ Lefoko le ne la bua gore O tlaa tla fela ka tsela e A ttileng ka yone. Mme O ne a eme foo, a bala Lefoko, mme a ba raya a re, “Gompieno Lokwalo le lo diragaditswe mo matlhong a lone.” Mme ba santsane ba palelwa ke go Mmona kgotsa go Mo lemoga, jaaka ba dirile mo dipakeng tsotlhe.

⁸⁸ Noa a ka bo a buile selo se se tshwanang, letsatsi le a neng a tsena ka mo arekeng mme mojako o tswalwa. Moshe a ka bo a tlhatlositse letlhhabaphefо leo mo godimo ga areka, a leba fa godimo ga phuthego... Gakologelwang, Modimo ne a tswala mojako. Mme a ka bo a ne a rile, “Gompieno Lokwalo le lo diragaditswe mo matlhong a lona,” fela ba ne ba le thari ka nako eo. O ne a rerile dingwaga di le lekgolo le masome a le mabedi, go leka go ba tsenya ka mo mokorong oo o a neng a o agile, a ba bolelela gore Lokwalo lo rile, “MORENA O BUA JAANA, pula e ile go na,” fela ba ne ba ema lobaka lo lo leelee thata. Fela Noa a ka bo a kgonne go bua motlhoho gore, “Gompieno, motlha ono, Lokwalo lo le diragaditswe.”

⁸⁹ Moshe, lone letsatsi le Pinagare ya Molelo e fologetseng mo Thabeng ya Sinai mme ya neela tshupo ya bopaki jwa gagwe, Moshe a ka bo a rile, “Gompieno Lokwalo le lo diragaditswe.”

⁹⁰ Moshe, lo a itse, o ne a le monna wa Modimo yo o biditsweng, moporofeti. Mme fa a ne a santsane a bidiwa, a neng a le moporofeti, o ne a tshwanela go nna le maitemogelo a bofeta tlholego. Gore a nne moporofeti, o ne a tshwanela go kopana le Modimo ba lebane ka difatlhego mme a bue le Ena. Mme selo se sengwe, se a se buileng se ne se tshwanetse se diragale, kgotsa ga go ope yo neng a tlaa mo dumela.

⁹¹ Jalo he ga go motho yo o nang le tshwanelo ya go ipitsa jalo go fitlhela a buile le Modimo ba lebane ka difatlhego, kwa morago ga sekaka golo gongwe, kwa a kopaneng le Modimo, ka sebele. Mme badumologi botlhe mo lefatsheng ba ne ba ka se kgone go go tlosa mo go ena ka go go tlhalosa; o ne a le teng, o a itse gore go diragetse. Mokeresete mongwe le mongwe o tshwanetse a nne le maitemogelo ao pele ga ba ka bua sepe ka ga go nna Mokeresete. Maitemogelo a e leng a gago!

⁹² Ke ne ka bua le setlogolo sa me sa mosimane, lobakanyana lo lo fetileng, mosimanyana wa Mokhatholike, yo neng a re, “Malome Bill, nna ke tabogile go tloga kwa pinagareng go ya kwa paleng, ke ya gongwe le gongwe, ke leka go batla sengwe.” Bosigo morago ga bosigo, pele ga bokopano jona bo simolola, o ne a ntse a lela. Mme ka nako ya bosigo, o ne a ntse a lora ditoro tsa go tsena, a tabogela golo fa aletareng, kwa ke neng ke rera, mme a ipolele gore o ne a ntse a le phoso.

⁹³ Ke ne ka re, “Melvin, ga go kgathalesege kwa o lekang go ya gone, ke dikereke di le kae tse o ipataganyang le tsone, ke ba le

kae ‘Bo dumela Marea,’ ba o ba buang, kgotsa ke ditshegofatso di le kae tse o di bonang mo mothong, wena o tshwanetswe o tsalwe seša ke Mowa wa Modimo. Ke selo se le esi se se tlaa kgotsofatsang pelo ya motho.”

⁹⁴ Moo ke, ke a itse ba na le seemedi, gompieno, sa go tswala seša, go dumedisana fela ka seatla le moreri le go kwadisa leina la gago fa bukeng. Fela, ditsala, moo ke thuto e e tlhomameng. Ga se Boammaaruri jwa Baebele. Fa go ne go le jalo, Ditiro tsa Baapostolo, mo kgaolong ya bo 2, e ne e tlaa tshwanelwa go balega jaana, “Letsatsi la Pentekoste fa le ne le gorogile ka botlalo, modisa phuthego ne a tswa a bo a dumedisana le phuthego ka diatla.”

⁹⁵ Fela ne ya re, “Letsatsi la Pentekoste fa le ne le gorogile ka botlalo,” tlhomamisong ya Kereke, “ne ga utlwala modimo o o jaaka phefo e e tsubutlang go tswa Legodimong, mme e ne ya tlatsa ntlo e ba neng ba dutse mo go yone.” Ke ka fa Mowa o o Boitshepo o tiliheng ka gone lekgetlo la ntsha. Ke ka fa O tiliheng ka gone ka nako tsotlh esale motlheng oo. Ena ke Modimo, mme ga a fetoge. Jaanong, Go kgopa batho.

Ba re, “Moo go ne go le ga motlha o mongwe.”

⁹⁶ Sentle, O tshwana maabane, gompieno, le ka bosaeng kae. Nako nnwe le nngwe e Kereke e kileng ya amogela Mowa o o Boitshepo, O ne wa tla jaaka A tlie lekgetlo la ntsha, fa tlase ga melao e e tshwanang, Ditiro 2:38; ga e ise e ko e fetoge, ga e kitla e fetoga.

⁹⁷ Jaaka melao ya ngaka ya go dirisetsa bolwetse more. Ena O tlaa kwala melawana ya tiriso kgatlhanong le bolwetse, ngaka e a dira. Mme o e tseye o e ise kwa morekising mongwe wa maaka wa mere, mme ena a tsenye tshitabotlhole mo go yone, yone e bokoa thata ga e tle go go dira molemo ope; fa a tsenya tshifi e ntsi mo go one, o tlaa go bolaya. O tshwanetse o nne fela go ya ka ngaka.

⁹⁸ Mme taelo ya ngaka ya go dirisa melemo ya ka fa go tshwanetsweng go amogelwa Mowa o o Boitshepo re e neetswe ke Ngaka Simone Petoro, ka Letsatsi la Pentekoste. “Ke tlaa lo naya taelo ya go dirisa melemo. Ikotlhaeng, mongwe le mongwe wa lona, mme lo kolobetsweng ka Leina la Jesu Keresete gore lo itshwarelw maleo, mme lo tla amogela neo ya Mowa o o Boitshepo. Gonnie taelo ya go dirisa melemo ke ya ba ba kwa kgakala kgakala, mme le bone ba bantsi ba Morena Modimo wa rona a tla ba bitsang.” Taelo ya Bosakhutleng ya melemo!

⁹⁹ Moshe ne a nnile le maitemogelo. O ne a fologela ka ko lefatsheng a bo a simolola go bolelala batho, “Ke kgatlhane le Pinagare ya Molelo. E ne e le mo setlhareng se se neng se tuka. Mme O mpoleletse go lo bolelala gore, ‘KE NNA YO KE LENG ENA. Yaa golo kong; Nna ke tlaa bo ke na nao. Tsaya thobane ya

gago mo seatleng sa gago mme o e tshole fa godimo ga Egepeto; le fa e le eng se o se kopang, se tlaa diriwa.”

Sentle, gongwe moperesiti mongwe ne a re, “Diphirimisi!”

¹⁰⁰ Fela fa ba ne ba bona dintlha tse di tlhomameng tsa sena, go tsaya, di diragala, ba ne ba se tlhole ba kgona go go itshokela. Ba ne ba itse gore o ne a rometswe ke Modimo.

¹⁰¹ Foo, erile Moshe a bua gore o bone moo, mme a go pakela gore ke Boammaaruri, foo Modimo ne a tlamega, fa moo e le Boammaaruri, go ikgolaganya le go rurifatsa lefoko la monna yoo, Boammaaruri. Moo ke nnete.

¹⁰² Fa Jesu Keresete a ne a eme foo mme a bala, letsatsi leo, “Gompieno Lefoko lena le diragaditswe mo pele ga lona,” Modimo o a tshwanelwa go dira Lefoko leo le diragale.

¹⁰³ Re eme fano bosigong jono mme re re, gore, “Jesu Keresete o tshwana maabane, gompieno, le ka bosaeng kae.” Modimo o tlamegile go netefatsa gore moo go jalo, ka gore Ke Lefoko la Gagwe. Jaanong, gone go dira eng? Go tsaya tumelo, mo go Go dumeleng. Le tsaya tumelo, mo go dumeleng Lefoko la Gagwe, gore Lone ke Boammaaruri.

¹⁰⁴ Lemogang se se neng sa diragala mogang Moshe a ne a ntsha bana, le botlhe bao ba ne ba mo latela. Bao ba ba sekang ba mo latela ba ne ba sala ko Egepeto. Fela bao ba ba setseng Moshe morago, erile ba ne ba tswa fa Lewatleng le le Hubidu mme ba tswela kwa bogareng ga naga, Modimo ne a fologela mo Thabeng ya Sinai. Pinagare eo ya Molelo e ne ya tshuba thaba yotlhe ka molelo, mme Lentswe le ne la bua go tswa foo, mme Modimo ne a neela ditaelo tse lesome.

¹⁰⁵ Moshe a ka bo a kgonne go ya foo fa pele ga batho, mme a re, “Gompieno Lokwalo le ke le lo boleletseng, jaaka moperofeti wa Gagwe, le a diragala gompieno. Ke lo boleletse gore Modimo o kgatlhane le nna, mme golo kwa mo setlhareng se se tukang, mo Pinagareng ya Molelo, mme O ne a bua sena, ‘Ke tla... Mona e tlaa nna sesupo. O tlaa busetsa batho bao gone fa lefelong lena fano gape.’ Mme Modimo ke yoo, mo Pinagareng e e tshwanang ya Molelo e ke lo boleletseng gore O mo gare ga yone, e okame gone kwa mo thabeng. Gompieno seporofeto sena se diragetse. Ena ke Yona go rurifatsa gore dilo tse ke di boletseng ke Boammaaruri.”

¹⁰⁶ Modimo a re neye banna ba bangwe ba ba jalo, ba ba tshepegang mme ba le pelophepa, mme ba bolela Boammaaruri, gore Modimo Mothatiotlhe o kgona go rurifatsa gore Lefoko la Gagwe e santse e le Boammaaruri! O sala a tshwana maabane, le ka bosaeng kae. Goreng A sa tle go go dira? O soloeditse go go dira.

¹⁰⁷ Joshua a ka tswa a buile mo go tshwanang, letsatsi le a buileng kwa Kateshe-barenea, kwa ba neng ba etela gone kwa

kgakala mo bogareng ga naga. Ba ne ba belaela fa lefatshe le le mohuta wa lefatshe o Modimo a buileng gore le tlaa nna one. Fela Modimo ne a boleletse gore le tlaa nna lefatshe le le molemo, le ne le elela ka maši le tswina. Mme Joshua le Kalebe ba ne ba le esi ba babedi ba ba neng ba tlaa go dumela, go tswa mo ba bangwe ba le lesome ba ba neng ba setse. Fa ba ne ba boa, ba ne ba na le bosupi; ba ne ba na le lesitla la mefine le le neng le ka rwalwa fela ke banna le babedi ba ba maatla.

¹⁰⁸ Joshua le Kalebe ba ka bo ba kgone go ema gone foo ba bo ba re, “Gompieno Lokwalo le lo diragaditswe. Bosupi ke bona gore lone ke lefatshe le le siameng.” Go tlhomame. Gobaneng? “Bosupi ke joo gore lone ke lefatshe le le siameng. Lo ne lo tlaa bona dilo tse di jaaka tseo kae, ko Egepeto? Go ne go sena mafelo a a jalo. Fela gompieno Lokwalo le lo diragaditswe.”

¹⁰⁹ A ka bo a ne a buile selo, se se tshwanang, fa a ne a porofeta mme a bua gore dipota tsa Jerikho di tlaa wela faatshe morago ga ba ne ba gwantile go dikologa makgetlo a supa, malatsi a supa, makgetlo a le supa ka letsatsi. Mme fa ba ne ba gwanta go dikologa lekgetlo leo la bofelo, dipota di ne tsa wela faatshe. Joshua a ka bo a kgone go ema mme a re, “Gompieno, Mookamedi Mogolo wa segopa sa Morena yo neng a mpolelela dibeke tse di fetileng gore go tlaa diragala jaana, gompieno Lokwalo le lo diragetse.” Dipota di ne di le foo, di feletse fa faatshe. “Tlayang, a re yeng go le tsaya. Ke la rona. Gompieno Lokwalo le lo diragetse.”

¹¹⁰ Ka fa go gakgamatsang, banna ba Modimo ba ne ba emela dilo tse di nepagetseng!

¹¹¹ Israele, kwa nokeng, fa ba ne ba thopa lefatshe, ba ne ba tlolela ka kwa. Ba ile go go dira jang? Ke kgwedi ya Moranang. Merwalela e a tla ka gore sefokabolea se a gakologa, golo kwa Judea. Ao, a ramasole yo o tlhomolang pelo yo go neng go bonala Modimo a le ena, go tlisa batho ba Gagwe foo, mo kgwedding ya Moranang, nako e Jorotane a neng a tlhatlogile go gaisa kwa morago go feta ka fa e kileng ya nna ka gone. Dinako dingwe . . .

¹¹² Nka nna nka ema fano, fa ke ne ke na le nako, go lo naya fela tlhagisonyana. Dinako dingwe o ka nna wa bo o dutse golo foo ka kankere, kgotsa o ka nna wa bo o dutse ka bolwetse; o akanya, “Gobaneng, nna, ke le Mokeresete, go tle go nne ka tsela ena? Gobaneng nna ke tlaa bo ke dutse jaana, fa ke le Mokeresete?” Dinako dingwe Modimo o lettelela dilo di nne tse di lefifi thata gore wena o se kgone go bona kwa godimo, fa tikologong, kgotsa gongwe le gongwe go sele, mme foo A tle mme a go direle tsela fa gare ga gone, gore o tle go kgone gore, “Gompieno, Lokwalo le lo diragaditswe, se A sololeditseng go se dira.”

¹¹³ O ne a tlogela bana ba Baheberegba sepelela gone ka mo leubeleng lwa molelo. Ba ne ba re, “Modimo wa rona o nonofile go re golola mo leubeleng lena la molelo. Fela, le fa go le jalo, ga

re tle go obamela setshwantsho sa gago.” Fa ba ne ba tswela ko ntle ga foo, monko wa leubelo mo go bone . . . go ne go se monko wa leubelo, ke raya moo, mo go bone; ba ka bo ba ne ba rile, “Gompieno Lokwalo le lo diragaditswe.”

¹¹⁴ Motlhang Daniele a neng a tswa mo serubing sa ditau, a ka bo a buile selo se se tshwanang.

¹¹⁵ Johane Mokolobetsi. Morago ga mengwaga e le makgolo a le manê a thuto ya tse di amanang le kereke, ga e kgane kereke e ne e le mo matladikeng ka nako eo! Fa a ne a bonala ko bogareng ga naga, Jorotane, a ka bo a ne a eme gone foo fa letshitshing, jaaka a dirile, mme a re, “Gompieno Lokwalo lo, Isaia 40, lo diragaditswe.”

¹¹⁶ Ka fa nka emang fano mme ka lo bolelela se moperesiti yo o godileng a se mpoleletseng! Ne a re, “Morwa, ga o ise o wetse Molaetsa oo.”

Ke ne ka re, “Didimala.”

O ne a re, “O raya gore Mapentekoste ao ga a bone seo?”

Ke ne ka re, “Nnyaya.”

¹¹⁷ O ne a re, “Ke a go bona.” Mme moperesiti wa Mokhatholike, le gone! Uh-hu. O ne a re, “Gobaneng o ne wa seka wa tswelelela?”

Ke ne ka re, “Didimala.”

O ne a re, “Kgalalelo go Modimo! Ke a go bona.”

¹¹⁸ Mme go ka nna nako eo Mowa o o Boitshepo o ne wa fologela mo go kgaitssadie, a dutse golo foo mo bokopanong. Mme o ne a tlhatloga, a bua ka diteme tse di sa itsiweng, mme a naya phuthololo ya sone selo se moperesiti le nna re neng re bua ka ga sone, mo serialeng. Kereke e e feletseng, lefelo lotlhe, le ne la rora. Ne ga tswelelela ka kwa bokopanong jwa ga Oral Robert beke e e fetileng, kgotsa beke pele ga e e fetileng, mme e ne e le polelo ya bokopano. Ka foo moperesiti yoo . . . A dutse fa tlase ga Mowa o o Boitshepo, a senotseng golo foo ka mosadi, ke a dumela e ne e le kgaitssadie, ka ga se se neng se diragala golo foo mo serialeng, mme a senola selo seo se re neng re se fitlhile.

¹¹⁹ Oura e re tshelang mo go yone, gompieno Lokwalo le lo diragaditswe. Gompieno Masedi a maitseboa a tlide, mme re palelwaa go Le bona. Lemoga.

¹²⁰ Johane ne a re, “Gompieno nna ke ‘lentswe la mongwe yo o goang mo nageng,’ jaaka moporofeti Isaia a buile. Baakanyang tsela ya Morena!”

¹²¹ Ba ne ba sa go tlhaloganye. Ba re, “Ao, wena o Jesu . . . wena o—wena o Keresete,” ke raya moo.

¹²² O ne a re, “Nna ga ke Keresete.” O ne a re, “Ga ke tshwanelwe go bofolola ditlhako tsa Gagwe. Fela,” o ne a re, “Ena o eme fa gare ga lona, golo gongwe,” gonne o ne a tlhomame gore O tlaa bo

a le foo. Ena o tlaa nna mo motlheng wa gagwe, ka gore Modimo ne a mmoleletse gore o ne a tlaa itsise Mesia.

¹²³ Letsatsi lengwe Lekau le ne la tla le sepela le fologa go ralala foo, mme o ne a bona ekete Lesedi mo godimo ga Gagwe, sesupo. Mme o ne a goa, “Bonang Kwana ya Modimo! Gompieno Lokwalo le lo diragaditswe mo pele ga lona.” Go tlhomame.

¹²⁴ Kwa Letsatsing la Pentekoste, ka fa Petoro a neng a ema mme a inola Lokwalo lwa bona, lwa Joele 2:28. Fa, botlhe ba ne ba tshega, batho bao. Ba ne ba sa kgone go bua ka loleme le e leng lwa bone. Ba ne ba balabala ka sengwe se sele. Baebele ne ya re, “Diteme tse di patologaneng.” *Patologaneng* ke loleme le le “kgaoganeng”, ba sa bue sepe, fela go balabala. Ba siana siana jaaka segopa sa batho ba tagilwe!

¹²⁵ Botlhe ba ne ba re, “Sentle, batho bana ba tagilwe. Ba lebeng, lebang ka fa ba itshwereng ka gone, ka foo basadi bao le banna ba dirang. Bona ba tlhakatlhakane,” ne ga bua setlhophsa sa sedumedi sa mothla oo.

¹²⁶ Petoro ne a ema mo gare ga bona, a re, “Batho le bakaulengwe, lona ba lo dulang mo Jerusalema, le lona ba lo dulang mo Judea, itseng gore bana ga ba a tagwa, jaaka lo gopola, ka lo bona gore ke oura ya boraro ya letsatsi. Fela sena ke seo se se builweng ke moporofeti Joele, ‘Go tlaa diragala ka metlha ya bofelo gore, Ke tlaa tshollela Mowa wa Me mo nameng yotlhe.’ Gompieno Lokwalo le lo diragaditswe.” Go tlhomame.

¹²⁷ Lutere o ne a le gone mo nakong. Wesele o ne a le gone mo nakong. Pentekoste e ne e le gone mo nakong. Ga go sepe se se tswileng fa taolong.

¹²⁸ Jaanong ke lo kopa gore lo akanyeng ka ga paka le nako e re tshelang jaanong mo go yone, le Lefoko le le sololeditsweng la gompieno. Fa morago ko dipakeng tse dingwe, batho ba ne ba kgona go re, “gompieno Lokwalo lo,” “gompieno Lokwalo lo,” ka ntlha eo ga tweng ka ga Lokwalo la gompieno? Ke eng se se sololeditsweng motlha ono? Re eme fa kae? Ke oura efeng e re tshelang mo go yone; fa tshupanako e tsamaya, tshupanako ya boranyane, fa metsotsong e meraro pele ga bosigogare? Lefatshe le na le tsebetsebe. Kereke e mo bolaong jwa tshenyego. Ga go na ope yo o itseng fa re emeng teng. Ke nako mang ya letsatsi? Ga tweng ka ga Lokwalo la motlha ono? Diemo tsa kereke, kgotsa, diemo tsa kereke gompieno!

¹²⁹ Mo lefatsheng, dipolotiki, tsamaiso ya lefatshe la rona, e bodile fela jaaka e ka kgonang go nna ka teng. Ga ke lepolotiki. Ke Mokeresete. Fela, ga ke na tiro epe ya go bua ka dipolotiki, fela ke batla go bua gore tsone di bodile fa matlhakoreng a mabedi.

¹³⁰ Ke ne ka tlhophsa gangwe, moo e ne e le Keresete; ke tshwanetse go thopa. Diabolo ne a tlhophsa kgatlhanong le nna, mme Keresete ne a ntlhophela; go ikaega mo goreng ke tsela

efeng e nna ke tsentseng tlhopho ya me. Ke itumetse gore nna ke tlhophetse Ena; mpe lefatshe le bue se lo batlang go se dira. Ke santsane ke dumela gore O tshwana maabane, gompieno, le ka bosaeng kae. O tlaa go netefatsa. Ena go tlhomame o tlaa go dira. Go tlhomame.

Koketsego ya tlolo molao, botlhoka tsebe jwa banana!

¹³¹ Lebang setšhaba sa rona, gangwe e ne e le sethunya sa lefatshe. Mmuso wa batho ka batho o ne wa bopjwa morago kwa mo go—mo go . . . kwa kitsisong ya phatlalatsa ya boipuso. Mme kitsiso ya phatlalatsa ya boipuso e ne ya saenelwa, mme re ne ra nna le mmuso wa batho ka batho. Mme borréemogolwane ba rona, le dilo tse ba di dirileng; re ne re na le setšhaba se se tona.

¹³² Fela sone jaanong se bodile, ebile se a sugakana, ebile se a roroma, mme se a ineela. Mme se leka go kgethisa batho, go bona madi go a romela kwa moseja, go reka botsala le baaba ba sone; ba go romela fa morago mo sefatlhegong sa rona. Tlhabano e le nngwe ya lefatshe, tlhabano ya bobedi ya lefatshe, mme go santse go tswelela pele kwa go ya boraro. Go tlhomame. Dipolotiki di bodile, di sentswe, di bodile go tsenelela kwa tlase. Fela totatota se Matheo 24 e buileng gore go tlaa nna sone, “Setšhaba se tlaa nna kgatlhanong le setšhaba, bogosi kgatlhanong le bogosi.” Tsotlhe dilo tsena di tlaa diragala. Are tseyeng sena tsia jaanong. Go siame.

¹³³ Lemogang e nngwe, go oketsegga ga patlokitsong ya boranyane. Jaanong, nako nngwe, fela kara . . . Rrémogolo ne a ya go bona mmamogolo, mo karaking ya dipholo. Jaanong ke sefofane sa jete, kgotsa le e leng go dikologa kwa loaping, ka kwa lefaufaung le le kwa ntle. Ke mo go tona . . . Jang, ke mang yo neng a bua sena? Daniele 12:4, ne ya re, “Kitso e tlaa oketsegga mo metlheng ya bofelo.” Re bona oura e re tshelang mo go yone. Lemogang die—diemo tsa lefatshe jaanong, seemo sa boranyane.

¹³⁴ Mme lemogang gape, gompieno, mo tsamaisong ya rona ya tsa thuto. Jaanong lo se leke go gana sena. Ke na le di dikgannya tse di kgaotsweng mo koranteng, di ruta tlhakanelo dikobo mo kere- . . . mo dikolong tsa rona, tsa baithuti ba bannyé ba nna le go ratana ga thobalano, go bona fa ba ka kgona go dira thobalano mo lefatsheng. Ee, rra.

¹³⁵ Ga tweng ka ga boperesiti ba rona? Bosigong jono ke na le kgannya go tswa fa pampiring. Ka kwa Los Angeles, California, kwa segopa sa baruti ba banna, ba Mabaptisti le Mapresbitheriene, badiredi, ba neng ba tlisa segopa sa banna ba masotoma mo teng mme ba diragatsa tlhakanelo dikobo ya bong bo le bongwe, ba bua gore ba ne ba leka go ba thopela kwa go Modimo. Mo e leng gore, moo ke nngwe ya diphutso tsa oura, Lesotoma! Mme molao ebile o ne wa ba tshwara.

¹³⁶ Jaanong rona re fa kae? Tsamaiso e e feletseng ya rona e bodile go tswa gone fa tlase ga rona. Ke bone koketsego ya

tlhakanelo dikobo ya bong bo le bongwe go kgabaganya United States e oketsegga ga masome a le mabedi kgotsa masome a le mararo go tswa mo lekgolong ngwageng o o fetileng. Akanya ka ga seo, monna a tshela le monna, fela totatota jaaka ba dirile ko Sotoma.

¹³⁷ Koketsego ya tlolo molao, botlhoka tsebe jwa bana! Ke oura efeng e re tshelang mo go yone? Gompieno Lefoko leno la seporofeto le diragaditswe.

¹³⁸ Lefatshe la sedumedi, kereke ka boyone, kereke, kereke e e bileditsweng ntle, e re e bitsang kereke e e bileditsweng ntle, paka ya bofelo ya kereke, paka ya kereke ya Pentekoste, e kae yone? E mo Laodikea, jaaka Lokwalo lo boletse.

¹³⁹ Gompieno bona ba digile mepako. Basadi ba apere ka boripana. Banna ba bona ba...Ke selo se se boitshegang. Bangwe ba bona ba nyetse makgetlo a le mararo kgotsa manê, ba le mo komiting ya botiakone, le sengwe le sengwe se sele. Bona ba digile, mme ba tsenya tshenyo, ka gonne ba ne ba nna mo makgotleng mme ba tsaya lefelo le lefatshe.

¹⁴⁰ Mme, gompieno, ba na le dikago tse di botoka, tse ba kileng ba nna le tsone. Lefelo lengwe, nngwe ya tsone e aga ntlolehalahala ya didolara tsa didikadike di le masome a matlhano, didolara tsa didikadike di le masome a matlhano. Mapentekoste! Go ne go tlwaetswe e le fa kgogometsong, dingwaga di le masome a mabedi le botlhano tse di fetileng, go itewa thamborine. Ne ba re, “Rona . . .”

¹⁴¹ Ka gore, Lokwalo lo rile, mo go Tshenolo 3, gore wena o “Humile,” wa re, ‘Nna ke humile. Ke dutse jaaka kgosigadi. Ga ke tlhoke sepe.’ Mme ga o itse gore wena o molatlhegi, o tlhomola pelo, o humanegile, ga o a ikatega, o foufetse, mme ga o go itse!”

¹⁴² Gompieno Lokwalo le lo diragaditswe mo matlhong a lona. Amen! Amen go raya “a go nne jalo.” Nna ga ke ikamogege, fela ke raya gore ke a dumela Ke Boammaaruri. Gompieno Lokwalo le lo diragaditswe.

¹⁴³ Kereke ya Pentekoste e mo seemong sa Laodikea. Ao, ba santse ba tlola ebile ba goeletsa, mme ba tswelela fa mmino o letsaa moropa. Nako e mmino o emisang go letsaa moropa, kgotsa mmino wa go letsaa meropa o bangwe ba bona ba o tshamekang mme ba go bitsa Bokeresete, mme le nako epe e moo go emisang, kgalalelo yotlhe e ile. Eya.

¹⁴⁴ Fa e le thoriso ya Modimo tota, ga go na melodi e e lekaneng le thata e e lekaneng—e e lekaneng mo lefatsheng go e khutlisa. Fa ka nneta e tswa kwa go Modimo, ga go tlhoke mmino go go dira jaaka meropa. Go tlhoka Mowa wa Modimo go fologela mo go yone. Moo ke se se go dirang.

¹⁴⁵ Mme bona ke kgale ba O lebetse, ka gore a ne ba tshwaya neo ya Mowa o o Boitshepo, e le “bosupi jwa ntlha jwa go bua

ka diteme.” Mme nna ke ne ka utlwa bodiabolo le baloi ba bua ka diteme.

¹⁴⁶ Mowa o o Boitshepo ke Lefoko la Modimo mo go wena, le le Itshupang ka go amogela Lefoko leo. Kwa ntle ga seo, go ka se ka ga nna Mowa o o Boitshepo. Fa o bua gore ke Mowa o o Boitshepo, mme o gana Lefoko le le lengwe la Baebele eo, e ka se ka ya nna Mowa o o Boitshepo. Moo ke bosupi a kana wena o a dumela kgotsa nnyaya.

¹⁴⁷ Lemogang tshupo e nngwe e kgolo. Bajuta ba kwa lefatsheng la gabu; setšhabeng se e leng sa bona, tšhelete e e leng ya bona, leloko la United Nations. Ba na le sesole se e leng sa bona. Ba na le sengwe le sengwe. Ba mo lefatsheng la gagabo; mo e leng gore, Jesu ne a re, “Ithuteng setshwantsho sa setlhare sa moeiga.” Bona ke bao, gone morago kwa setšhabeng sa bona. Gompieno Lokwalo le lo diragaditswe, Bajuta ba mo lefatsheng la gagabo.

¹⁴⁸ Gompieno Lokwalo le lo diragaditswe, Paka ya Kereke ya Laodikea.

¹⁴⁹ Gompieno Lokwalo lo lo, Matheo 24, le diragaditswe. Lefatshe le tshenyegong, selo se se feletseng; setšhaba kgatlhanong le setšhaba, dithoromo tsa lefatshe mo mafelong a a mefutafuta, ditsuatsue tse ditona di fologa, di tshikinya ditšhaba, le jalo jalo, matlhotlhapel a matona gongwe le gongwe. Gompieno Lokwalo le lo diragaditswe.

¹⁵⁰ Jaanong re fitlhetsi seemo sa lefatshe. Re bona kwa kereke e e tlwaelegileng, e e tlwaelegileng . . . Lekgotla, lekokon, re bona kwa di leng gone. Re bona kwa ditšhaba di leng gone. Mme re bona gore gompieno ditsholofetso tsena di diragaditswe.

¹⁵¹ Jaanong, fela mo mothlheng ono go tshwanetse go nne le Peo ya Bogosi, ya maemo a ntlha ya ga Aborahama. Moo ke totatota se E tlaa nnang sone, e tlaa nna Monyadiwa wa Bogosi mo go Morwa, wa Bogosig yo o soloeditsweng. Jaaka ke ne ka bua maloba bosigo, ga e tle go nna peo ya tlholego, e tlaa nna Peo ya semowa. Go tshwanetse go nne le Monyadiwa wa semowa yo o tlhatlogang, yo e tlaa nnang Peo ya Bogosi ya Tumelo ya bogosi ya ga Morwa wa Bogosi wa ga Aborahama. Ena o tshwanetse a tle fa tiragalong mo metlheng ya bofelo, mme nako le lefelo ke tsholofetso e a E neilweng.

¹⁵² Go ya ka Malaki 4, Lokwalo, go tshwanetse go tlhatloge Molaetsa o o tlaa tshikinyetsang dipelo tsa batho gone morago kwa bontateng ba baapostolo gape. Go tshwanetse go nne le mongwe mo tiragalong, mo thateng ya ga Elia, yo o tlaa tlhatlogang mo tiragalong; monna wa dikgwa yo o tlaa tlhang, mme o tlaa nna le Molaetsa o o tlaa tabogelang gone morago kwa Lefokong gape. Eo ke oura e e re tshelang mo go yone.

¹⁵³ Ka ntlha eo, akanyang ka tlhoafalo jaanong, ke a lo botsa mo oureng ena, lona batho fano ba Jeffersonville. Ka 1933, Lesedi la bofetatlholego le le neng la fologa ka kwa ko nokeng, letsatsing

le ke neng ke kolobetsa ba le makgolo a le matlhano ka Leina la Jesu Keresete, jaaka mosimane a ka nna dingwaga di le masome a le mabedi. Le ne la bua eng, Jeffersonville? E ne e le Eng kwa tlase ga Spring Street foo, fa *Courier Journal*, ke a dumela e ne e le *Louisville Herald*, e ne ya kwala kgang ka Lone? Le ne la tswelelleta gone ko Associated Press, go ya totatota ka ko Canada. Ngaka Lee Vayle o ne a e sega mo pampiring, kgakala kwa godimo ko Canada, ka 1933.

¹⁵⁴ Fa ke ne ke kolobetsa motho wa bo lesome le bosupa, fa tlase ga Bosupi jona; mme lo itse mo gongwe ga polelo e. Mme fa ke ne ke eme foo, ke lobetsa motho wa bo lesome le bosupa, Lesedi le ne la fologa Legodimong, le phatsimela faatshe mo godimo ga foo, jaaka Naledi e e wang go tswa Legodimong. Lentswe le ne la re, “Jaaka Johane Mokolobetsi a ne a rometswe go etelela pele go tla ga ntlha ga Keresete, Molaetsa wa gago o tla etelela pele Go tla ga Gagwe ga bobedi, mo lefatsheng.” Gompieno Lokwalo lo diragaditswe.

¹⁵⁵ [Phuthego e a ipela—Mor.] Gompieno! [Phuthego e ipela thata mme e rorisa Modimo.] Modimo o go solo feditse. Go diragetse eng? Gompieno O ile go dikologa lefatshe.

¹⁵⁶ Mme erile Modimo a ne a fologela foo mme a bua seo, fa ke ne ke le mosimanyana, mo setlhareng se se tukang, kgotsa sekgweng golo foo, se tuka ka Pinagare ya Molelo, golo fano fa lefelong la oora Wathen mo Utica Pike; ke ne ke santse ke rwele metsi kwa morago kwa, go tswa kwa sefalaneng seo go ya kwa botlhatlhelong jwa whisiki e e seng fa molaong, lo itse boammaaruri jwa gone. O ne a re, “O sekwa wa be wa goga, kgotsa wa nwa, kgotsa wa kgotlela mmele wa gago, gonne go na le tiro gore wena o e dire fa o nna mogolwane.” Nna ke pakela go bo seo e le Boammaaruri, gore nna ke Go bone. Mme Modimo, jaaka A dirile ka Moshe, ne a bua fa pele ga phuthego golo ka kwa, mme a re, “Mona ke Boammaaruri.”

Gompieno Lokwalo le lo diragaditswe mo gare ga rona.

¹⁵⁷ Elang tlhoko se A se buileng ka ga temogo, le ka foo e tlaa nang ka gone; go tlogeng go beyeng diatla mo go bona, go ya go itseng sephiri sa pelo. Gompieno Lokwalo le lo diragaditswe mo pele ga one matlho a rona.

¹⁵⁸ Ditsholofetso tsena tse di neng tsa dirwa, lemogang, ditsholofetso tsena tsotlhe di ne tsa rurifatswa le go diragatswa ke Modimo wa tsholofetso. Lebang, go kaletse ko Washington, DC, bosigong jono, setshwantsho sa Moengele wa Morena!

¹⁵⁹ Jaaka George J. Lacy, mookamedi wa dikgato tsa menwana le ditlankana tsa FBI wa goramente ya United States, a Se tlhatlhobile go tswa Houston, Texas, mme a re, “Sena ke Setsheidi se le esi sa bofetatlholo go se le ka nako epe se neng sa kapiwa setshwantsho mo lefatsheng lotlhe.” O tshwanetse a itse; ena ka tsone, ke yo o botswerere bogolo yo o leng teng mo lefatsheng.

¹⁶⁰ Lemogang, Sone ke seo se kaletse, jaaka Boammaaruri, Pinagare ya Molelo e e tshwanang e e eteletseng Baiseraele morago kwa kwa nageng. E etelela pele gompieno, Molaetsa o o tshwanang, wa, “Tswayang mo Egepeto!” . . . ? . . . Gompieno Lokwalo le lo diragaditswe. Lo itse Molaetsa o A o boletseng.

¹⁶¹ Bonang ponatshegelo ya kwa Tucson, dingwaga di le tharo tse di fetileng, fa ke ne ke eme fano fa tselaneng. Fa, mengwaga e le methano pele ga foo, A rile, “Motlha o motsemogolo o kokotelang lemapo golo fa pele ga kgoro eo, o dire gore o retologe kwa Bophirima.” Batho ba motlaagana wa me ba ba leng fano, ba itse seporo- . . . nako—nako eo. Go jalo.

¹⁶² Mme letsatsi le Rrê Goynes le bone ba neng ba le golo koo, mme ba kokotela lemapo leo foo, ke ne ka raya mosadi ka re, “Go na le sengwe ka ga sena.”

O ne a re, “Ke eng?”

Mme ke ne ka tsena ka bo ke batlisisa mo bukeng ya me e nnye. Gone go ne go le foo.

¹⁶³ Mme moso oo o latelang, ka nako ya lesome, ke neng ke ntse foo, mo phaposing ya me foo, go ka nna nako ya lesome, Moengele wa Morena ne a fologa. O ne a re, “Eya kwa Tucon. O tlaa bo o le bokone botlhaba jwa Tucson, mme go tlaa tla Baengele ba le supa mo lesagaripeng ba ba tlaa tshikinyang lefatshe lotlhe go go dikologa.” Mme na re, “O tlaa go bolelwaa go tloga koo.”

¹⁶⁴ Ke ba le kae ba ba gakologelwang seo, fano, kgakala pele ga go diragala? [Phuthego ya re, “Amen.”—Mor.] Go na le banna ba ba dutseng gone fano mo kagong ena bosigong jono, ba ba neng ba eme gone foo fa go ne go diragala.

¹⁶⁵ Mme ne a re, “Dikano tse Supa tsa masaitseweng a a fitlhilweng a Baebele e e feletseng di tlaa bulwa, mme go diragatse Tshenolo 10, gore mo Molaetseng wa Moengele wa bosupa dilo tsena di tshwanetse go diragala.” Gompieno Lokwalo le lo diragaditswe mo matlhong a rona. Gompieno Lokwalo le lo diragaditswe.

¹⁶⁶ Ngwaga o o fetileng, ke neng ke eme mo lefelong le le tshwanang, Rrê Wood fano le nna, re neng re tlhatloga thaba, mo mohuteng wa khutsafalo, ka ga mosadi wa gagwe a neng a lwala. Mowa o o Boitshepo ne wa re, “Tsaya lentswê le le ntseng foo. Le latlhele mo loaping. Fa le tlaa faatshe, o re, ‘MORENA O BUA JAANA, go tlaa nna le katlholo e e tlaa itayang lefatshe.’ Mmolelele gore o tlaa bona seatla sa Modimo, doureng di le mmalwa tse di tlang.”

¹⁶⁷ Ke ne ka bolelela Rrê Wood; o teng bosigong jono. Mme, ke a fopholetsa, banna ba le ferabobedi kgotsa lesome, kgotsa lesome le botlhano, ba ba neng ba le foo ka nako eo fa go ne go diragala; mosong o o latelang, kwa Morena a neng a fologa mo sefefong mme a kgagolaka thaba go re dikologa, mme a kgaola bogodimo

jwa ditlhare gore bo repe, mme ga dira maratla a le mararo, mme a re, "Katlholo e lebile ntlheng ya Letshitshi la Bophirima."

¹⁶⁸ Malatsi a le mabedi morago ga foo, Alaska e ne ya batla e nwela kwa tlase ga lefatshe. Mme esale ka nako eo, kwa godimo le tlase ga Letshitshi, dikgobolo tsa katlholo ya Modimo kgatlanong le sekerini seo sa semowa. Go na le sesiro sa tshipi, go na le sesiro sa bamboo, mme go na le sesiro sa boleo.

¹⁶⁹ Tlhabologo e sepetse le letsatsi; le Efangedi e dirile jalo. Ba tlile go tswa botlhaba mme ba ya bophirima, jaaka letsatsi le tsamaya. Mme jaanong E kwa Letshitshing la Bophirima. E ka se kgone go ya pejana; fa E ya pejana, E tlaa bo e boetse kwa botlhaba gape.

¹⁷⁰ Moporofeti ne a re, "Go tlaa nna le letsatsi le le ka se bidiweng bosigo kgotsa motshegare," letsatsi le le se nang tshepo, pula e ntsi le mouwane, fela mo go lekaneng ga ka fa o ka ipataganyang le kereke kgotsa wa tsenya leina la gago mo bukeng. "Fela go tlaa nna Lesedi go batlide go le nako ya maitseboa." Gompieno Lokwalo le lo diragaditswe.

¹⁷¹ Le le tshwanang—l-e-t-s-a-t-s-i le le tshwanang le le tlhatlogang ko botlhaba ke l-e-t-s-a-t-s-i le le tshwanang le le phirimang kwa bophirima. Mme M-o-r-w-a yo o tshwanang wa Modimo yo neng a tla kwa botlhaba mme a Ithurifatsa e le Modimo a bonaditswe mo nameng, ke M-o-r-w-a yo o tshwanang wa Modimo mo sephatlhong sa lefatshe sa fa bophirima fano, yo a Itshupang mo gare ga kereke bosigong jono, yo o tshwanang maabane, gompieno, le ka bosaeng kae. Lesedi la maitseboa la Morwa le tlile. Gompieno Lokwalo le lo diragaditswe mo pele ga rona.

¹⁷² Re fa kae mo pakeng ena ya ga Aborahama? Re fa kae mo nakong e tona ena e re emeng fa go yone, oura e kgolo e re tshelang mo go yone? Diponatshegelo tsotlhe di diragaditswe.

¹⁷³ Go ka tweng fa tsala ya rona e nnye ya modiredi fano, kereke ya losika e re thusanang le yone, Junior Jackson, a ne a tla a tabogela golo kwa go rona bosigong bongwe, nna ke le golo foo. Ne a re, "Ke nnile le to—toro, Mokaulengwe Branham, e e ntshwenyang. Ke bone bakaulengwe botlhe ba phuthegetse mo godimo ga thabana." Mme ne a re, "Mo godimo ga thabana ena, o ne o re ruta go tswa fa ditlhakeng tse di neng di kwadilwe, go ne go lebega ekete, mo ditlhakeng dingwe tse nako e neng e si setile mo lefikeng. Fa o ne o feditse seo, sotlhe seo se ne se fedile, o ne wa re bolelela, wa re, 'Tlayang fa gaufi,' mme rotlhe re ne ra phuthega."

¹⁷⁴ Ne a re, "O ne wa otlollela go tswa golo gongwe, ne go lebega jalo, o ne wa tsaya se se jaaka kufutu mme wa kgaola bogodimo jwa phiramiti e nnye ena go e bula. Mme, fa e dira," ne a re, "letlapa la keranaete le se na mokwalo mo go lone. Mme o ne wa re bolelela go 'leba mo go lena.' Mme lona lotlhe... Re ne

rotlhe ra simolola go leba." Ne a re, "Ke ne ka retolola tlhogo ya me, mme ka go lemoga o ya ntlheng ya bophirima, fela ka maatla jaaka o ne o ka kgona, ntlheng ya letsatsi le le phirimang." Ke ba le kae ba ba go gakologelwang? [Phuthego ya re, "Amen."—Mor.]

¹⁷⁵ Mme ke ne ka ema ga nnyennyane go fitlhela Mowa o o Boitshepo o go senola. Ke ne ka re, "Baebele e e feletseng, bontsi jo bo senoletsweng motho, ka tshiamiso, boitshepiso, le kolobetso ya Mowa o o Boitshepo, kolobetso ka Leina la Jesu, mme dilo tsena tsotlhe, di ne tsa senolwa; fela go na le diphiri tse di fitlhilweng mo teng, ka gore Baebele e kaneletswe ka Dikano tse Supa. Ke tshwanetse ke ye koo go e batla."

¹⁷⁶ Mosong ole fa Baengele bao ba le supa ba ne ba fologa mme ba thuthuntsha lefatshe, mme mafika a ne a fofela tseleng nngwe le nngwe, Baengele ba le supa ne ba ema foo mme ba re, "Bolela morago kwa Jeffersonville, go tswa kwa wena o tswang gone, gonne Dikano tse Supa tsa masaitseweng a a supa di tlaa bulwa."

¹⁷⁷ Ke rona bano, gompieno, re tlhaloganya *Peo ya Noga*. Mo malatsing a le mmalwa, fa Morena a ratile, re tlaa tlhaloganya tolamiso ya *Nyalo Le Tlhalo*. Mme dilo tsena tsotlhe tse Modimo a di butseng, Sekano sengwe le sengwe, masaitseweng esale motheong wa lefatshe. Mme re ntse re le mo boipelong, Bolengteng jwa ditshegofatso tsa Gagwe! Moo ke nnete. Gompieno, Lokwalo le!

¹⁷⁸ Makasine wa *Life* o ne wa kwala kgannyana ya gone, "Kgolokwe ya masaitseweng ya Lesedi e tlhatlogela kwa loaping fa godimo ga Tucson le Phoenix," ka tsela e e tshwanang e ke lo boleletseng ka yone go batlile go le ngwaga pele ga go diragala, ka fa go tlaa nang ka teng, mme go le jaaka khutlotharo. Setshwantsho se kaletse mo kerekeng golo foo. Lona ba lo tsereng makasine oo le na le lone. Sone se ne se le seo, fela totatota. Ba ne ba re, "Le bogodimo jwa dimmaele di le masome a le mabedi le bopaphara jwa dimmaele di le masome a le mararo." Ga ba tlhaloganye le mororo se se diragetseng. Le ne la bonala ka masaitseweng la ba la tsamaya ka masaitseweng.

¹⁷⁹ Mokaulengwe Fred Sothmann, Mokaulengwe Gene Norman le nna, reeme foo. Boraro ke bosupi. Jaaka A ne a isa kwa godimo ga thaba; Petoro, Jakobose, le Johane, go ntsha bosupi. Ba ema foo mme ba go lebile fa go ne go diragala, mme ba go bone go dirwa.

¹⁸⁰ Lone ke leo, le kaletse mo loaping; kgakala thata, go ne go se na mouwane, go sena monyo kgotsa sepe go dira mou—mouwane. Ba ne ba ka tla jang foo? E ne e le Baengele ba Modimo ba boela morago, morago ga Molaetsa wa bona. Gompieno seporofeto seo se ne sa diragatswa mo gare ga rona. Gompieno Lokwalo le lo ne lwa diragatswa.

¹⁸¹ Ela tlhoko, Dikano tse Supa di ne tsa bulwa. Sefefo se kwa ntlheng ya Letshitshi lwa Bophirima. Jaanong, lo se palelwe ke go go tlhaloganya, jaaka ba dirile kwa morago kwa.

¹⁸² Jaanong, kelotlhoko ya rona, gaufinyana le motlha wa rona. Lokwalo lwa reng ka ga gompieno, le ka ga nako e re tshelang mo go yone? Jesu a bua... Ga ke tle go nna le nako ya go di tsaya tsotlhé, fela ke batla go tsaya lena pele ga re tswalela.

¹⁸³ Jesu ne a re, mo go Moitshepi Luka kgaolo ya bo 17, temana ya go 30. Jesu Keresete, Lefoko ka Sebele! A lo dumela seo? [Phuthego ya re, "Amen."—Mor.] Jesu Keresete, Lefoko ka Sebele, le dirilwe nama, ne a bolela mme a bua se Lefoko le tlaa nnang sone ka nako ya bokhutlo, se sesupo sa bokhutlo jwa lefatshe se tlaa nnang sone. O ne a ba bolelela gore setshaba se tlaa nna kgatlhanong le setshaba, fela O ne a re, "Jaaka go ne go ntse ka gone mo metlheng ya Sotoma, go tlaa nna jalo kwa motlheng o Morwa motho a senolwang ka one."

¹⁸⁴ Jaanong, fa Jesu a ne a tla fa lefatsheng, O tlie ka leina la Bomorwa ba le bararo. Morwa motho, yo e leng moporofeti; Morwa Modimo; le Morwa Dafita.

¹⁸⁵ Jaanong, O tshetse fano mo lefatsheng. Le ka motlha ope ga A ise a re Ena ke Morwa Modimo. O ne a re, "Ke nna Morwa motho." Jehofa ka Sebele ne a bitsa Esekiele le baporofeti, "Morwa motho." Ka gore, O ne a tshwanela go tla go diragatsa Lokwalo e le moporofeti. Moshe ne a re, "Morena Modimo wa lona o tlaa tsosa Moporofeti yo o tshwanang le nna." Leo ke lebaka A neng a sa kgone go nna Morwa Modimo foo, ka gore O en a le Morwa motho. Ena... "Lefoko le ne la tla kwa baporofeting." Mme O ne a le Lefoko mo botlalong jwa Lone. Morwa motho, mopo—moporofeti yo mogolo... Eseng moporofeti yo mogolo, fela Moporofeti-Modimo, "Botlalo jwa Bomodimo ka mmele bo ne bo le mo go Ena." Ke gone ka moo, O ne a le Morwa motho.

¹⁸⁶ Jaanong, ka dingwaga di le dikete tse pedi, O ne a ntse a itsiwe mo go rona jaaka Morwa Modimo, Mowa.

¹⁸⁷ Mme mo Mileniamong, O tlaa nna Morwa Dafita, mo godimo ga Terone. Rotlhe re itse seo, ba re dumelang Dikwalo.

¹⁸⁸ Jaanong, Jesu ne a bua, gore, fela kwa bokhutlong jwa paka ena ya kereke e re tshelang mo go yone, gore, "Morwa motho o tlaa senolwa gape ka mokgwa o o tshwanang o e neng e le one, jaaka o ne o ntse kwa Sotoma."

¹⁸⁹ Elang tlhoko ka foo, ka fa ditsong, A go neetseng. O ne a re, "Jaaka go ne go ntse mo metlheng," la ntlha, "ya ga Noa, ka foo ba neng ba ja, ba nwa, ba nyala, ba neela mo lenyalong." Foo O ne a tlisa, mo go latelang, lwa bofelo, Morwa motho, kwa Sotoma. Ka gore, koo O ne a dira le Bajuta; fano, fa Sotoma, O dira le Baditshaba. Foo, O ne a ba nwetsa botlhe ka metsi, mo katlhholong; fano, fa Baditshabeng, O ne a ba fisa botlhe kwa letsatsing la Sotoma. Go jalo. Lefatshe la Baditshaba le ne la ša

foo, "mme go tlaa nna jalo motlha o Morwa motho a senolang." Ga e sa tlhola e le ka metsi, fela go tlaa nna molelo lekgetlong le. Jesu ne a bala go tswa mo go Genesi 23 e re badileng go tswa fa go yone, fa A ne a bala ka ga Sotoma.

¹⁹⁰ Jaanong, re amogela diemo tse go builweng ka ga tsone, tsa seemo sa lefatshe la Sotoma, Basotoma, seemo sa Sotoma. Rona, mongwe le mongwe, re tlaa raya seo re re "amen". Re dumela seo. Go siame.

¹⁹¹ Mme seemo sa semowa sa Laodikea, kereke ya tlholego, re tlaa raya seo re re "amen", mme re amogele ditshupo tsa bone. Re a itse gore sesupo sengwe le sengwe se teng. Kereke e mo Laodikea. Re itse seo. [Phuthego ya re, "Amen."—Mor.]

¹⁹² Re a itse lefatshe le mo seemong sa Sotoma. A go jalo? [Phuthego ya re, "Amen."—Mor.] Re tlaa amogela seo.

¹⁹³ Fela ga tweng ka ga sesupo sa ga Aborahama, ena yo neng a letetse morwa yo sololeditsweng? Seo e ne e le se sengwe.

¹⁹⁴ Gakologelwa, ba ne ba na le Sotoma morago koo; ba ne ba na le morongwa wa bona. Mme Aborahama ne a na le Morongwa kwa go ena.

¹⁹⁵ Aborahama ne a letile, letsatsi ka letsatsi, a letetse, go batlike go le selo se se sa kgonegeng go ka diragala. "Sara, masome a ferabongwe, mme ena lekgolo." Go ya ka tsholofetso ya Modimo, o ne a santse a letile. Mo gare ga lenyatso lotlhe, o ne a letetse morwa yoo.

¹⁹⁶ Jalo he modumedi wa nnete o santse a letetse Morwa yo o sololeditsweng go boa! Lemogang, fela pele ga morwa a goroga, go ne ga nna le sesupo se a neng a se newa. A sesupo sa go tla ga Morwa ga se a senolelwaa Peo ya bogosi ya ga Aborahama e e letetseng Morwa wa Bogosi, go tshwana jaaka go ne go ntse kwa go rra Aborahama ka ntlha ya morwa wa tlholego? [Phuthego ya re, "Amen."—Mor.] A go jalo? ["Amen."] Jesu ne a bua jalo, fano mo go Moitshepi Luka 17:30, "Pele ga nako ena e tla, gore, Morwa motho o tlaa senolwa jaaka A dirile mo metlheng ya Sotoma, pele ga tshenyo ya Sotoma." Jaanong re sololetse sesupo.

¹⁹⁷ Jaanong mpe re tseyeng diemo tsa nako jaaka go ne go ntse ko Sotoma. Lemogang, botlhe ba ne ba tswela ntle ba le mo Bosotomeng, lefatshe.

¹⁹⁸ Ke akanya gore mongwe wa baokamedi ba ditshwantsho tsa motshikinyego ne a tsenya mo setshwantshong, e se bogologolo, mme ke ne ka kgona go se bona, e ne e le, *Sotoma*. Fa lo ka kgona go se bona mme ga go sepe se sele foo fa e se seo, se lebeleleng. Go tlhomame ke setshwantsho se se siameng sa United States gompieno, Hollywood, fela totatata; mohuta o o tshwanang wa moaparo le sengwe le sengwe se sele se ba se dirileng jaaka gone foo; meletlo e me golo ya botagwa le sengwe le sengwe se sele,

batho ba tumelo e e sokameng ya bodumedi, ba ba bidiwang ba sedumedi.

¹⁹⁹ Lemogang, mme Sotoma e ne e na le mosupi, mme e ne e le mogoma ka leina la ga Lote, yo neng e le fela setlogolo sa ga—sa ga Aborahama.

²⁰⁰ Jaanong, Aborahama ga a a ka a fologela kwa Sotoma, ena le setlhophpha sa gagwe. O ne a na le setlhophpha se segolo le ena, se se lekaneng go tlhabana se fenye dikgosi di le lesome le metso e mebedi le sesole sa bone. Jalo he, o ne a na le setlhophpha se se golo le ena. Mme o ne a dutse golo koo fa tlase ga setlhare sa moeike, letsatsi lengwe, fa sengwe le sengwe se ne se mo fosetsa; ga go ope yo neng a batla go dirisana le ena, fela o ne a santsane a tshwareletse mo tsholofetsong eo.

Elang tlhoko jaanong, ka kelelelo, pele ga re tswala.

²⁰¹ Fa a santse a dutse foo, go ne ga tla golo foo banna ba le bararo, ba sepelela kwa go ena. Ba le babedi ba bone ba ne ba fologela kwa Sotoma mme ba ba rerela Efangedi, gore ba tswe, kwa go Lote. A go jalo? [Phuthego ya re, “Amen.”—Mor.] Fela a le Mongwe ne a sala le Aborahama. Lemoga, Ena yo neng a sala le Aborahama ne e le Modimo ka Sebele. Ba bangwe ba babedi ba ne ba le barongwa ba Baengele.

²⁰² Jaanong, golo kwa Sotoma, ga ba dira metlholo, ba ba foufaditse fela. Mme go rera Efangedi go tlhola go ba foufatsa.

²⁰³ Jaanong lebang thulaganyo ya motlha oo. Kereke ya tlholego ke eo. Ka metlha yotlhe, Modimo o emelwa ka boraro, jaaka ke buile bosigo jwa maabane. Go ne go na le Basotoma; Balote; le Baaborahama. Ke seemo se se tshwanang bosigong jono, lefatshe le rulagane fela jalo.

²⁰⁴ Mpe ke lo botse sengwe. Lebang thulaganyo ena jaanong. Aborahamo ne a bitsa Monna yona yo neng a bua le ena, “Elohim.” Lefoko la Sehebere *Elohim* le raya “Ena yo o itlamelang, Ena yo o leng Ena wa Bosakhutleng,” Elohim, Modimo ka Sebele!

²⁰⁵ Ko tshimologong, Genesi 1, ne a re, “Ko tshimologong Modimo . . .” Tsaya lefoko la Sehebere foo, gongwe, kgotsa lefoko la Segerika, ke raya leo, “Ko tshimologong *Elohim* ne a tlhola magodimo le lefatshe.”

²⁰⁶ Fano, Ena, mo go Genesi, go ka nna 22 fano, O bua gape, kgotsa—kgotsa go ka nna 20, O ne a re, mme o ne a bitsa leina la Monna yo “Elohim.” O ne a go direla eng? Modimo, a emetswe mo nameng ya motho, yo neng a dula fatshe le Aborahama mme a ja borotho jwa motlapiso wa namane, a nwa maši mangwe, mme a ja senkgwe sengwe. Modimo ka Sebele, mme a nyelela gone fa pele ga Aborahama.

²⁰⁷ Fela O ne a mo naya sesupo. Lemoga. Mme sesupo seo e ne e le gore O ne a na retoloseditse mokwatla wa Gagwe kwa tanteng.

²⁰⁸ Mme gakologelwang, Aborahama, leina la gagwe *Aboramo* malatsi a le mmalwa pele ga foo, mme Sara ne a le *Sarra* pele ga foo; S-a-r-r-a la tloga la nna S-a-r-a, mme A-b-o-r-a-m-o go ya go A-b-o-r-a-h-a-m-a. *Aborahama* go raya “rra ditshaba.”

²⁰⁹ Jaanong elang tlhoko thata fano, mme re tlaa bona thulaganyo ya oura jaanong re tshelang mo go yone, jaaka Jesu a re boleletse go solo fela thulaganyo e. Re bone yotlhe e nngwe ya yone e nepagetse; jaanong a re boneng ya ga Peo ya bogosi, thulaganyo e ba tshwanetseng ba e bone.

²¹⁰ Jaanong Monna yo ne a re, “Aborahama, mosadi wa gago Sara, o kae?”

Mme Aborahama ne a re, “O ka mo tanteng, kwa morago ga Gago.”

²¹¹ Jaanong, O ne a ise a ko a mmone. O ne a itse jang gore leina la gagwe e ne e le *Aborahama*? O ne a itse jang gore leina la mosadi e ne e le *S-a-r-a*? “Aborahama, mosadi wa gago Sara, o kae?”

Ne a re, “O ka mo tanteng, fa morago ga Gago.”

²¹² O ne a re, “Ke . . .” “Ke,” leemedi la motho. “Ke ile go go etela go ya ka tsholofetso. Mosadi wa gago o ile go nna le ngwana yoo. O ne wa Ntshepa, jaanong Ke ile go go dira go diragale.”

²¹³ Mme Sara, ka mo tanteng, fa morago, a reeditse ka bokukuntshwane kgotsa a utlwa ka bokukuntshwane, le fa e le eng se lo go le bitsang, a reeditse ka tante, ne a tshegela fa lebogong la seaparo sa gagwe, mme a re, “Jaanong, nna, mosadi mogolo jaaka nna, ke utlwé monate le mong wa me; mme ena a tsofetse, le gone, golo foo bogolong jwa dingwaga di le lekgolo? Fa e le gore, sena ga se ise se diragale ka dingwaga di le dintsi, ntsi.”

²¹⁴ Mme Monna yo, M-o-n-n-a, a dutse foo a ja, mo nameng ya motho, a nwa ebile a ja jaaka monna yo o tlwaelegileng; ka lorole mo diaparong tsa Gagwe, mme a na le lorole fa dinaong tsa Gagwe, mme Aborahama ne a lo tlhatswa. Modimo, ka Sebele, ne a leba leba, mme A re, “Gobaneng Sara a tshegile, kwa morago mo tanteng, a bua sena?” O ne a itse, a kgona go lemoga dikakanyo tsa ga Sara mo tanteng, kwa morago ga Gagwe. A go jalo? [Phuthego ya re, “Amen.”—Mor.]

²¹⁵ Jaanong, motlhlang Peo ya Bogosi ya ga Aborahama e tlang mo lefatsheng, ke sesupo sefe se A se bontshitseng, Morwa motho. Simone ne a tla kwa go Ena letsatsi lengwe; Anterea ne a mo tlisitse. O ne a re, “Leina la gago ke Simone. O morwa Jonase,” O ne a bua. Lo baona, moo ne ga mo dira modumedi.

²¹⁶ Filipo ne a ya ka kwa mme a tsaya Nathaniele; a boa, ne a re, “Tlaya, o bone Monna Yo re neng—re mmoneng; Jesu wa Nasaretha, morwa Josefa.”

²¹⁷ O ne a re, “Jaanong ema motsotso. A go na le sengwe se se molemo se se ka tswang mo bogogotlong joo?”

O ne a re, “Tlaya, o bone.”

²¹⁸ Jalo he erile Filipo a ne a tla golo mo Bolengteng jwa ga Jesu, le Nathaniele, Jesu ne a leba kwa go ena mme a re, “Bonang Moiseraele yo mo go ena go senang boferefere.”

O ne a re, “Rabi, Wena o nkitsile leng?”

²¹⁹ Ne a re, “Pele ga Filipo a go bitsa, fa o ne o le fa tlase ga setlhare, Ke go bone.”

²²⁰ O ne a re, “Rabi, Wena o Morwa Modimo. O Kgosi ya Israe!”

²²¹ Motlhang mosadi yo monnye kwa sedibeng, mo seemong sa gagwe sa boaka, ne a tla kong, sengwe se se jaaka mo go bonalang gannye ka bophara, go ga metsi. Jesu ne a romile barutwa ba Gagwe, go reka dijo. Erile mosadi a tla kong go ga metsi, O ne a re, “Ntlisetse metsi, mosadi.”

²²² Mosadi ne a re, “Ga se tlwaelo gore Wena o bue seo. Re na le kgethololo fano. Jaanong, lone Bajuta ga lo na sepe sa go dirisana le rona Basamaria; ga re na sepe go dirisana le lona.”

²²³ O ne a re, “Fela, mosadi, fa o ne o itse Yo o neng o bua le ena, o ne o tlaa Ntopa metsi. Ke ne ke tlaa go naya metsi a o sa tleng fano go a ga.”

²²⁴ O ne a lemoga kwa seemo sa gagwe se neng se le gone, se e neng e le sone. O ne a re, “Tsamaya o tseye monna wa gago mme o tle fano.”

Mosadi ne a re, “Ga ke na monna ope.”

²²⁵ O ne a re, “O buile boammaaruri. O nnile le ba le batlhano, mme yo o nnang le ena jaanong ga se wa gago.”

²²⁶ Mosadi ne a re, “Rra, nna ke lemoga gore Wena o moporofeti. Re a itse motlhang Mesia a tlang O tlaa re supegetsa dilo tse.”

Jesu ne a re, “Nna Ke Ena.”

²²⁷ Ka seo, o ne a tabogela ka ko motsemogolo mme a re, “Tlayang, lo boneng Monna Yo o mpoleletseng dilo tse ke di dirileng. A yona ga se ene Mesia?”

²²⁸ Elang tlhoko, O dirile seo fa pele ga Bajuta, le Masamaria, fela le ka motlha ope e seng Baditshaba. Baditshaba, rona batho, ne re le baheitane mo metlheng eo, ditshaba tse dingwe, re pega thobane mo mokwatleng wa rona, re obamela medimo ya diseto. Re ne re sa solo fela Mesia ope.

²²⁹ O bonala fela kwa go bao ba ba Mo solo fetseng, mme re tshwanetse ra bo re Mo solo fetseng.

²³⁰ Fela bao ba ba neng ba bolela gore ba ne ba Mo solo fetseng, kereke ka boyone, fa ba ne ba bona seo se diriwa, ba ne ba re, “Ena ke diabolo. Ke sedupe, Beelsebule!”

²³¹ Mme Jesu ne a re, “Boleo joo ba tlaa bo itshwarelw,” ka gore O ne a ise a swe ka nako eo. “Fela,” ne a re, “motlha

mongwe Mowa o o Boitshepo o tlaa tla mme o dire selo se se tshwanang, mme go bua lefoko le le lengwe kgatlhanong le One le ka motlha ope ga go kitla go itshwarelw.” Oo ke motlha o, kwa Lefoko lengwe le lengwe le tshwanetseng le tshwaragane ga mmogo. “Bua lefoko kgatlhanong le One; ga go tle go itshwarelw le ka motlha ope mo lefatsheng lena kgotsa lefatsheng le le tshwanetseng go tla.”

²³² Eo e ne e le Peo ya Bogosi ya ga Aborahama. Mme fano Peo eo ya Bogosi ya ga Aborahama, e e neng e tlie ka ntlha ya tshupo eo ya Monna yoo yo neng a dutse le Aborahama, ne ya tla go netefatsa gore e ne e le Modimo yo o tshwanang, a soloftsa mo motheng ona, “Jaaka go ne go ntse mo metlheng ya Sotoma, go tlaa nna jalo mo go tleng ga Morwa motho, motlheng A Itshenolang jaaka Morwa motho.” Amen. Ona ke motlha wa gore Lokwalo le lo diragadiwe.

²³³ Bonang thulaganyo e re leng yone gompieno. Bonang kereke kwa Morwa Modimo... Bonang motlha o o senang tshepo. Bonang diporofeto tsotlhe. Jaanong, selo se se sa tlwaelesegang, baeti ba rona ba soloftswa ka nako eo, fa thulaganyo e tshwanetse go tshwana le kwa Sotoma.

²³⁴ Go ne go le ba le bararo ba bona ba ba neng ba tla ga mmogo, banna ba le bararo ba ba lemosegang ba ba rometsweng go tswa Legodimong. Re tlaa amogela seo. Ba le bararo ba bona; a le Mongwe ne a sala le Aborahama. Botlhe ba ne ba simolola foo, fela a le Mongwe ne a sala le Aborahama. Ba bangwe ba bona ba ne ba fologela kwa Sotoma. A go jalo? [Phuthego ya re, “Amen.”—Mor.] Mme Aborahama ne a nna le leina le le fetotsweng, go tloga go Aboramo go ya go Aborahama. Nnete? [“Amen.”]

²³⁵ Ga go nako e le nngwe mo ditsong, kereke ya lefatshe, e kileng ya nna le moefangedi a ya kwa go yone, ka leina le le felelang ka h-a-m, go fitlheleng motlheng ona, Billy G-r-a-h-a-m. A go jalo? [Phuthego ya re, “Amen.”—Mor.] G-r-a-h-a-m, ditlhaka di le thataro. A-b-r-a-h-a-m ke ditlhaka di le supa. Fela G-r-a-h-a-m ke ditlhaka di le thataro, se e leng lefatshe, motho. Lo a bona?

²³⁶ Bonang se se ileng golo koo, gompieno, ke bone barongwa bao go tswa Legodimong.

²³⁷ A go na le monna mo lefatsheng yo o nang le boikotlhao bo rerilwe ka go tlhaloganyega motlhofo jaaka Billy Graham? A go kile ga nna le monna yo o nnileng le ditlamorago mo bathong, go tshwana le Billy Graham? Le ka motlha ope ga go ise go nne jalo, ditshabatshabeng, motho. Ao, Billy Sunday, le jalo jalo, ba ne ba le fano mo United States, fela Billy Graham o itsiwe lefatsheng ka bophara. Lo a bona kwa a bitsang gone? Go tswa mo go Sotoma.

²³⁸ Mme o na le setlhophpha sa gagwe se se mo patileng foo le kereke ya Mapentekoste, Oral Roberts mongwe.

²³⁹ Fela ga tweng ka ga setlhophpha se se Itshenketsweng? Ke mohuta ofeng wa sesupo se ba tshwanetseng ba se bone? Ke eng se ba tshwanetseng ba nne le sone? Haleluya! “Go tla nna Lesedi ka nako ya maitseboa.” Gompieno Lokwalo le lo diragaditswe. [Phuthego e a ipela—Mor.] Gompieno tsholofetso ya Modimo e diragaditswe. Re itse seo go bo e le Boammaaruri. Ena o fano bosigong jono jaaka A ne a ntse fong.

²⁴⁰ Jaanong, go o rera, se ke se buileng lobakanyana le le fetileng, fa o rera sepe mme sone e le Boammaaruri jwa Efangedi, foo Modimo o tlamegile go rurifatsa seo. A ke boammaaruri? [Phuthego ya re, “Amen.”—Mor.] Jaanong, fa moo go le jalo, mpe Modimo yo o kwadileng Lefoko, mpe Modimo yo o dirileng seporofeto, mpe Modimo yo e leng Modimo wa Lefoko, a tle fa pontsheng mme a netefatse gore O santse a le Modimo.

²⁴¹ Jaaka Elia a ne a pagama thaba; a lebeletse, Elisha ne a ya go lebelela Elia, ne a re, “Ke batla kabelo e e gabedi.” Mme kojana e e neng e le mo go Elia e ne ya wela mo go Elisha. O ne a fologa, mme a mena kojana eo gabedi a bo a itaya noka, a re, “Modimo wa ga Elia o kae?” Mme selo se se tshwanang se se diragaletseng Elia, se ne sa diragalela Elisha.

²⁴² Mme Efangedi e e tshwanang, Thata e e tshwanang, Morwa motho yo o tshwanang yo neng a le maabane, o gompieno, mme o tlaa nna ka bosaeng kae. Bahebere 13:8. A lo a Le dumela? [Phuthego ya re, “Amen.”—Mor.] Foo, ke a lo botsa. Nka se kgone go nna Ena, fela Ena o fano. [“Amen.”] Rona re barwadi fela.

²⁴³ Bangwe ba lona batho golo foo, ba ba lwalang ebile ba tlhokofetse, ba lo itseng gore ga ke lo itse, mpe Modimo jaanong . . . fa nka ingotla mo go lekaneng. Lo rapele mme lo kope Modimo.

²⁴⁴ Ga ke fopholetse . . . Ga go na karata ya thapelo mo kagong, a e gone? Nnyaya, ga ke . . . Ga re nke re aba dikarata tsa thapelo. Re ile go nna le bokopano jwa thapelo kwa . . . kgotsa phodiso ya balwetse, fa kerekeng. Fela, lo rapele.

²⁴⁵ Mme lo a itse gore nna ke moeng gotlhelele mo go lona. Lo a bona, lo a nkitse, Jeffersonville! Ga ke batle batho ba ba tswang Jeffersonville ba dire seo. Ke batla batho ba ba tswang golo gongwe kgakala le fano. Lo bone fa Modimo a santsane a senola! Lo bone fa a santse a tshwana maabane, gompieno, le ka bosaeng kae!

²⁴⁶ Dirang jaaka mosadi yo monnye a dirile. O ne a feta fa gare, mme a re, “Ke dumela Monna yo.” O ne a na le tshologo ya madi, mme ne a re, “Fa nka kgona go ama momeno wa seaparo sa Gagwe, ke a dumela ke tlaa siamisiwa.” A go jalo?

²⁴⁷ Ka lebaka la tumelo ya gagwe, motlha oo, Lokwalo le ne la diragadiwa. “O ne a fodisa pelo ya ba ba tlhokofetseng, a fodisa balwetsi le ditlhotsi.”

²⁴⁸ Fa a ne a ama seaparo sa Gagwe, a bo a tsamaela kong mme a dula faatshe, O ne a retologa mme a re, “Ke mang yo o Nkamileng?” O ne a itse jang, mo lesomong leo le legolo la batho, gongwe le le oketsegileng ga masome a le mararo a le leng fano bosigong jono, dikete tsa bona? O ne a go itse jang? O ne a re, “Ke mang yo o Nkamileng?” Ga A a ka a bua seo fela gore a bue; O buile seo ka gore e ne e le nnete. Mme O ne a re, “Ke mang yo o Nkamileng?” Mme ka go tsepa O ne a leba fa tikologong mme a bona mosadi yo monnye, kwa a neng a dutse gone kgotsa a eme, bonno le fa e le bofeng jo a neng a le mo go jone, ne a mmolelela gore tshologo ya gagwe ya madi e fedile.

²⁴⁹ Yoo e ne e le Jesu maabane. Yoo ke Ena gompieno. Lo dumela seo? [Phuthego ya re, “Amen.”—Mor.]

²⁵⁰ Ga ke go itse; Modimo o a dira. Fela o na le ditlhabi mo letlhakoreng la gago, tse di go tshwenyang. Go jalo. O dutse foo o rapela ka ga gone. A nna ke moeng mo go wena, mme rona re baeng mongwe go yo mongwe? Emelela, fa go le jalo. Ga ke go itse. Ke monna *yona* gone fano fa kgogometsong, mogoma *yona* wa monana. Gape o na le mometso o o sa siamang. Go jalo. O rapela ka ga seo. O mafafa gotlhelele ka ga sengwe. O ile go tshwanela go tlogela bokopano ka gore, wena o modiredi, o na le mabaka mangwe a o tshwanetseng o lebagane le one. Moo go jalo. Uh-huh. O a dumela Modimo o itse yo o leng ena? Moruti Rrê Smith, jaanong o ka nna wa tsamaya wa fola. Jesu Keresete o go siamisitse. Tswelela o ye kwa bokopanong jwa gago; mometso wa gago ga o tle go go tshwenya.

O amile Mang?

²⁵¹ Go na le monna yo o dutsegone fa morago *fano*; o a boga. O na le thuruga mo lekgwafong la gagwe la molema. Ga a dire... Ena ga a tswe fano. O nnile modiri kwa moepong. Go jalo. Nna ke moeng gotlhelele mo go wena. Fa go le jalo, ebaebisa seatla sa gago. Thuruga e mo lekgwafong la gago la molema, mme wena o gaufi le go nna le karo jaaanong jaana. A go jalo? Wena ga o tswe fano. O tswa kwa ntle ga toropo. O tswa kwa Virginia. Go jalo. O dumela gore Modimo o itse yo o leng ena? Rrê Mitchell, go jalo, yaa gae mme o fole. Jesu Keresete o a go siamisa. Botsang monna yo! Ga ke ise ke mmone, mo botshelong jwa me. O ne a dutse foo, a rapela.

Gompieno Lokwalo le!

²⁵² [Mokaulengwe Branham o retolosetsa mokwatla wa gagwe kwa phuthegong—Mor.] Mohumagadi ke yona a dutse gone fano, fa morago ga me, jaaka Sara a ne a ntse mo tanteng. Ena o rapelela morwadie. Emelela. Morwadi ga a fano; o kgakala, morwadi. Mme wena o tshwana le ka fa go neng go ntse ka gone

mogang mosadi a neng a tla kwa go Jesu, yo neng a na le mosadi yo neng a tshwenngwa ke diabolo ka ditsela di le mmalwa tse di farologaneng. Mosadi o . . . mosetsana o laolwa ke ledemone. Ena ga a fano. O tswa . . . Wena o tswa kwa North Carolina. O dumela seo? Mme moo ke boammaaruri, a ga se gone? Mmê Orders, o ka nna wa ya gae. Fa o tlaa dumela ka pelo ya gago yotlhe, o tlaa fitlhela morwadio a ne a fitlhetswe jaaka fa Jesu Keresete mo metlheng e e fetileng, a ne a buile gore o fodile.

²⁵³ Gompieno Lokwalo le; sesupo sa Sotoma, sesupo sa Peo ya maemo a kwa godimo, sesupo sa kereke ya tlholego! Gompieno Lokwalo le lo diragaditswe mo gare ga lona. A lo a go dumela? [Phuthego ya re, “Amen.”—Mor.]

²⁵⁴ A lo tlaa Mo amogela gone jaanong jaaka Mmoloki le mofodisi wa lona? Emang ka dinao tsa lona, mongwe le mongwe wa lona, le re, “Ke amogela phodiso ya me. Ke Mo amogela jaaka Mmoloki wa me. Ke Mo amogela jaaka Kgosi ya me.” Mongwe le mongwe ema ka dinao tsa gago.

Gompieno! Reetsang, ditsala.

²⁵⁵ “O ne a bala Lokwalo, a busetsa Baebele kwa go moperesiti, mme,” a re, “matlho otlhe a batho a ne a ganeletse mo go Ena. Mme O ne a ba leba, a bo a re, ‘Gompieno Lokwalo le lo diragaditswe.’”

²⁵⁶ Ke badile Lokwalo, ka lesome le bobedi kgotsa bopaki jo bo fetang gore re tshela mo motlheng wa bofelo, kokomana e e tlaa bonang Jesu Keresete a boela mo lefatsheng. Mme ke a lo raya bosigong jono, gape, gompieno Lokwalo lo le diragaditswe mo matlhong a lona.

²⁵⁷ Lona mo Tucson, lona mo California, lona mo New York, mo dikgokaganong tsena tsa megalà, gompieno Lokwalo le lo diragaditswe mo matlhong a lona.

²⁵⁸ A re itumeleng mme re duduetseng, gonne Lenyalo la Kwana le gaufi, mme Monyadiwa wa Gagwe . . . Monyadiwa wa Gagwe o Ipaakantse.

²⁵⁹ A re tlhatloseng diatla tsa rona mme re Mo neyeng kgalalelo, lona batho botlhe. Modimo a lo segofatse. [Phuthego e tswelela e ipela ebile e baka Modimo—Mor.]



GOMPIENO LOKWALO LE LO DIRAGADITSWE TSW65-0219
(This Day This Scripture Is Fulfilled)

Molaêtsa o ka Mokaulengwe William Marrion Branham, o nê wa rêrwa la ntlha ka Sekgowa mo maitseboeng a Labotlhano, Tlhakole 19, 1965, kwa Parkview Junior High School ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org